



Bosna i Hercegovina
Federacija Bosne i Hercegovine
Federalno tužilaštvo
Federacije Bosne i Hercegovine

IZVJEŠTAJ

**glavnog federalnog tužioca Federalnog tužilaštva Federacije BiH za
2025. godinu o rješavanju predmeta korupcije i organizovanog kriminala
sa posebnim fokusom na predmete ove vrste na visokom nivou**

Sarajevo, februar 2026. godine

SADRŽAJ

1	Uvod	3
2	Način realizacije vršenja nadzora rada kantonalnih tužilaštava u cilju garantovanja zakonitosti i efikasnosti postupka u rješavanju predmeta korupcije i organizovanog kriminala, sa posebnim fokusom na predmete na visokom nivou	4
2.1	Kontrola kvaliteta izjavljenih žalbi na prvostepene presude kantonalnih sudova, a koje žalbe se rješavaju u drugostepenom postupku pred Vrhovnim sudom Federacije BiH	5
2.2	Kontrola podignutih optužnica	5
2.3	Rješavanje pritužbi	6
2.4	Posjete federalnih tužilaca kantonalnim tužilaštvima – godišnji nadzor rada kantonalnih tužilaštava	6
2.5	Posjete glavnog federalnog tužioca glavnim kantonalnim tužiocima	8
2.6	Konsultacije sa postupajućim kantonalnim tužiocima	8
2.7	Neposredan nadzor nad konkretnim predmetom	8
2.8	Donošenje obaveznih uputstava	9
2.9	Održavanje sjednica Proširenog kolegija glavnih tužilaca u Federaciji BiH i sjednica tematskog Proširenog kolegija glavnih tužilaca u Federaciji BiH	9
2.9.1	Prošireni kolegij glavnih tužilaca u FBiH	9
2.9.2	Tematski prošireni kolegij glavnih tužilaca FBiH	10
2.10	Aktivnosti koje se odnose na nadzor nad radom Posebnog odjela za suzbijanje korupcije, organizovanog i međukantonalnog kriminala Federalnog tužilaštva Federacije Bosne i Hercegovine	11
3	Kritički osvrt na rezultate rada svakog kantonalnog tužilaštva u rješavanju predmeta korupcije i organizovanog kriminala, sa posebnim fokusom na predmete na visokom nivou	12
3.1	Kantonalno tužilaštvo Kantona Sarajevo	13
3.2	Kantonalno tužilaštvo Tuzlanskog kantona Tuzla	13
3.3	Kantonalno tužilaštvo Zeničko – dobojskog kantona Zenica	15
3.4	Kantonalno tužilaštvo Unsko – sanskog kantona Bihać	16
3.5	Kantonalno tužilaštvo Srednjobosanskog kantona Travnik	16
3.6	Kantonalno tužilaštvo Hercegovačko – neretvanskog kantona Mostar	17
3.7	Kantonalno tužilaštvo Zapadnohercegovačkog kantona Široki Brijeg	17
3.8	Kantonalno tužilaštvo Posavskog kantona Orašje	18
3.9	Kantonalno tužilaštvo Kantona 10 Livno	18
3.10	Kantonalno tužilaštvo Bosansko – podrinjskog kantona Goražde	19
3.11	Posebni odjel Federalnog tužilaštva FBiH	19
4	Navođenje najznačajnijih predmeta iz oblasti korupcije i organizovanog kriminala, sa posebnim fokusom na predmete na visokom nivou koji su bili od interesa za javnost, a u kojima je podignuta optužnica	22

4.1	Kantonalno tužilaštvo Kantona Sarajevo	22
4.2	Kantonalno tužilaštvo Tuzlanskog kantona Tuzla	22
4.3	Kantonalno tužilaštvo Zeničko – dobojskog kantona Zenica	23
4.4	Kantonalno tužilaštvo Unsko – sanskog kantona Bihać.....	24
4.5	Kantonalno tužilaštvo Srednjobosanskog kantona Travnik	24
4.6	Kantonalno tužilaštvo Hercegovačko – neretvanskog kantona Mostar.....	26
4.7	Kantonalno tužilaštvo Zapadnohercegovačkog kantona Široki Brijeg	26
4.8	Kantonalno tužilaštvo Posavskog kantona Orašje	27
4.9	Kantonalno tužilaštvo Kantona 10 Livno	27
4.10	Kantonalno tužilaštvo Bosansko – podrinjskog kantona Goražde	27
4.11	Poseban odjel FT FBiH.....	27
5	Prijedlog mjera za unapređenje stanja u oblasti procesuiranja navedenih vrsta predmeta.....	29
5.1	Mjere koje se odnose na kantonalna tužilaštva	29
5.2	Osvrt na uspostavu i početak rada Posebnog odjela Federalnog tužilaštva FBiH	32

1 Uvod

Federalno tužilaštvo Federacije Bosne i Hercegovine (u daljem tekstu: „Federalno tužilaštvo FBiH“) je samostalno državno tijelo koje svoj rad zasniva na načelima nezavisnosti i nepristrasnosti u odnosu na sve učesnike u krivičnom postupku, kao i sve državne i druge organe javne vlasti. Osnovano je 01.04.2003. godine Odlukom Visokog sudskog i tužilačkog vijeća Bosne i Hercegovine (u daljem tekstu: „VSTV BiH“) o osnivanju Tužilaštva Federacije BiH i imenovanju tužilaca u Tužilaštvo Federacije BiH¹. Nadležnosti, ovlaštenja, organizacija i rad, sredstva za rad i druga pitanja, utvrđeni su Zakonom o Federalnom tužilaštvu Federacije Bosne i Hercegovine².

Zakonom o suzbijanju korupcije i organizovanog kriminala u Federaciji Bosne i Hercegovine³, koji je donesen 2014. godine, kao organizaciona jedinica Federalnog tužilaštva F BiH osnovan je Posebni odjel za suzbijanje korupcije, organizovanog i međukantonalnog kriminala Federalnog tužilaštva Federacije Bosne i Hercegovine (u daljem tekstu: „Posebni odjel FT FBiH“), te su istim Zakonom propisane i nadležnosti Posebnog odjela FT FBiH.

Na osnovu navedena dva Zakona, organizaciona struktura Federalnog tužilaštva F BiH pobliže je određena Pravilnikom o unutrašnjem poslovanju, organizaciji i sistematizaciji radnih mjesta. Shodno tome, Federalno tužilaštvo FBiH je organizovano tako da se, pored Kabineta i Ureda glavnog federalnog tužioca, sastoji od dva tužilačka odjela – Odjela opšte nadležnosti i Posebnog odjela FT FBiH.

Posebni odjel FT FBiH je zvanično počeo sa radom dana 30.04.2025. godine, te iz navedenog razloga, ovaj Izvještaj u pogledu segmenata koji se odnose na rad Posebnog odjela, obuhvata vremenski period od 30.04. do 31.12.2025. godine.

VSTV BiH je početkom 2023. godine⁴ uspostavilo sistem i strukturu izvještavanja od strane glavnog tužioca Tužilaštva BiH, Republičkog javnog tužilaštva RS, Federalnog tužilaštva FBiH i Tužilaštva Brčko distrikta BiH o rješavanju predmeta korupcije i organizovanog kriminala (sa fokusom na predmete ove vrste na visokom nivou), i to jednom godišnje na sjednicama VSTV BiH u vrijeme redovnog podnošenja izvještaja o radu za prethodnu godinu, na posebnoj tački dnevnog reda. Pri tome je određeno da će glavni tužilac Federalnog tužilaštva FBiH izvještavati o radu kantonalnih tužilaštava u procesuiranju navedenih vrsta predmeta. Nakon prezentovanja prvog ovakvog izvještaja na sjednici VSTV BiH održanoj 22. i 23.03.2023. godine, istovjetan način podnošenja i prezentovanja izvještaja o procesuiranju predmeta korupcije i organizovanog kriminala sa posebnim fokusom na predmete ove vrste na visokom nivou, nastavljen je i u narednim godinama.

Podsjećanja radi, predmetni izvještaj sadrži podatke kako slijedi:

- a) način realizacije zakonske obaveze glavnih entitetskih tužilaca koja se ogleda u vršenju nadzora nad radom kantonalnih i okružnih javnih tužilaštava u cilju garantovanja zakonitosti i efikasnosti postupka odnosno glavnog tužioca Tužilaštva

¹ Odluka o osnivanju Tužilaštva Federacije Bosne i Hercegovine i imenovanju tužilaca u Tužilaštvo Federacije Bosne i Hercegovine („Službene novine FBiH“, broj 7/03).

² Zakon o Federalnom tužilaštvu Federacije Bosne i Hercegovine („Službene novine FBiH“, broj 19/03).

³ Zakon o suzbijanju korupcije i organizovanog kriminala u Federaciji Bosne i Hercegovine „Službene novine F BiH“ broj: 59/14

⁴ Dopis VSTV BiH broj: 13-09-5-257-1/2023 od 18.01.2023. godine i Dopis VSTV BiH broj: 13-09-5-257-2/2023 od 14.02.2023. godine.

- BiH i Tužilaštva Brčko distrikta BiH nad radom tužilaca u rješavanju predmeta korupcije i organizovanog kriminala, sa posebnim fokusom na predmete na visokom nivou,
- b) kritički osvrt na rezultate rada svakog kantonalnog/okružnog javnog tužilaštva i Posebnog odjeljenja Republičkog javnog tužilaštva RS odnosno Tužilaštva BiH i Tužilaštva Brčko distrikta BiH, u rješavanju predmeta korupcije i organizovanog kriminala, sa posebnim fokusom na predmete na visokom nivou,
 - c) navođenje najznačajnijih predmeta iz oblasti korupcije i organizovanog kriminala, sa posebnim fokusom na predmete na visokom nivou koji su bili od interesa za javnost a u kojima je podignuta optužnica,
 - d) prijedlog mjera za unaprijeđenje stanja u oblasti procesuiranja navedenih vrsta predmeta.

Kantonalna tužilaštva su, u periodu od 13.02. do 18.02.2026. godine, Federalnom tužilaštvu FBiH dostavila informacije potrebne za pripremu ovog Izvještaja.

2 Način realizacije vršenja nadzora rada kantonalnih tužilaštava u cilju garantovanja zakonitosti i efikasnosti postupka u rješavanju predmeta korupcije i organizovanog kriminala, sa posebnim fokusom na predmete na visokom nivou

Jedna od osnovnih funkcija Federalnog tužilaštva FBiH jeste vršenje nadzora nad radom kantonalnih tužilaštava u Federaciji BiH u cilju garantovanja zakonitosti i efikasnosti postupaka⁵, koja se ostvaruje kroz ovlaštenja glavnog federalnog tužioca, odnosno njegovih zamjenika i federalnih tužilaca⁶. Ova funkcija Federalnog tužilaštva FBiH je tokom 2025. godine u svim vrstama predmeta realizovana kroz aktivnosti koje su detaljno izložene u Izvještaju Federalnog tužilaštva za 2025. godinu. Međutim, za potrebe ovog Izvještaja i predstavljanja stanja u predmetima korupcije i organizovanog kriminala, potrebno je istaći da je provođenje nadzora rada kantonalnih tužilaštava u pogledu rješavanja predmeta korupcije i organizovanog kriminala, realizovano kroz:

- postupanje u drugostepenim krivičnim predmetima kroz kontrolu kvaliteta izjavljenih žalbi na prvostepene presude kantonalnih sudova, a koje žalbe se rješavaju u drugostepenom postupku pred Vrhovnim sudom Federacije BiH;
- kontrolisanje podignutih optužnica;
- rješavanje pritužbi na konačne kantonalne tužilačke odluke;
- neposredne posjete federalnih tužilaca kantonalnim tužilaštvima radi vršenja godišnjeg nadzora rada kantonalnih tužilaštava;
- posjete glavnog federalnog tužioca glavnim kantonalnim tužiocima, a prema ukazanoj potrebi;
- praksu organizovanja konsultacija sa postupajućim kantonalnim tužiocima radi rješavanja dilema koje se pojave u konkretnim predmetima, prema iskazanoj potrebi;
- neposredan nadzor nad konkretnim predmetom;
- donošenje obaveznih uputstava;
- održavanje sjednica Proširenog kolegija glavnih tužilaca u Federaciji BiH (posvećenih ostvarenju i planiranju strateškog okvira) i tematskih sjednica Proširenog kolegija glavnih tužilaca u Federaciji BiH (posvećenih analizi zaključaka provedenog godišnjeg

⁵ Član 9. Zakona o Federalnom tužilaštvu Federacije BiH.

⁶ Član 6. Zakona o Federalnom tužilaštvu Federacije BiH.

nadzora rada kantonalnih tužilaštava, kao i diskusiji o problemima sa kojima se suoče kantonalna tužilaštva u svome radu).

2.1 Kontrola kvaliteta izjavljenih žalbi na prvostepene presude kantonalnih sudova, a koje žalbe se rješavaju u drugostepenom postupku pred Vrhovnim sudom Federacije BiH

Postupajući federalni tužioci bilježe svoja zapažanja, naročito u pogledu kvaliteta izjavljenih žalbi, te se ta zapažanja analiziraju i na pogodan način čine dostupnim kantonalnim tužilaštvima. Ova aktivnost federalnih tužilaca predstavlja kontinuiran način nadzora kvaliteta izjavljenih žalbi na prvostepene odluke kantonalnih sudova koji se obavljao i tokom 2025. godine, tako da će se u narednom periodu ponovo analizirati i aktualizirati pitanje unapređenja kvaliteta izjavljenih žalbi.

2.2 Kontrola podignutih optužnica

U skladu sa instrukcijom glavnog federalnog tužioca, kantonalna tužilaštva obavezna su da Federalnom tužilaštvu FBiH dostavljaju primjerke podignutih optužnica za krivična djela iz prvostepene nadležnosti kantonalnih sudova u Federaciji BiH, odnosno podignutih optužnica protiv lica koja su izvršila krivična djela za koja se može izreći kazna zatvora od 10 ili više godina ili kazna dugotrajnog zatvora. Tokom 2019. godine, Prošireni kolegij glavnih tužilaca u FBiH usvojio je zajednički stav⁷ prema kojem će kantonalna tužilaštva prioritarno postupati u predmetima koji se odnose na krivična djela korupcije i organizovanog kriminala, dok će Federalno tužilaštvo FBiH vršiti pregled svih optužnica podignutih za sva koruptivna krivična djela (bez obzira na propisanu kaznu), kako ona iz nadležnosti kantonalnih tako i ona iz nadležnosti općinskih sudova.

Federalni tužioci pregledaju dostavljene optužnice u pogledu pravilnosti i potpunosti činjeničnih opisa izvršenja krivičnih djela i pravilnosti pravnih kvalifikacija krivičnih djela, evidentiraju svoje primjedbe i sugestije, te ih pravovremeno dostavljaju kantonalnim tužilaštvima kako bi ista mogla, tokom glavnog pretresa, izmjenama optužnica otkloniti eventualne nedostatke na koje je ukazano.

Tokom 2025. godine, analizom sadržaja datih mišljenja na pregledane optužnice uočeno je da su se najčešće primjedbe federalnih tužilaca odnosile na: nedostatke činjeničnih opisa u odnosu na obilježja krivičnog djela (izostavljanje subjektivnog elementa krivičnog djela); propuštanje pozivanja na blanketne propise; propuštanje stavljanja prijedloga za izricanje sigurnosne mjere oduzimanje imovinske koristi pribavljene krivičnim djelom i dr.; formalno-pravnu urednost, jer pojedini dijelovi optužnica nisu navedeni onim redom kako to proizilazi iz odredbe člana 242. ZKP F BiH; greške prilikom predlaganja dokaza koje treba izvesti na glavnom pretresu (npr. predlaganje da se pročitaju zapisnici o saslušanju svjedoka koji su predloženi da se pozovu i saslušaju na glavnom pretresu, predlaganje čitanja službene policijske zabilješke o obavljenom razgovoru sa svjedokom ili osumnjičenim itd.); propuštanje ulaganja troškovnika o ukupnim troškovima koja su kantonalna tužilaštva imala u fazi istrage, a shodno odredbi člana 199 stav 4 ZKP-a F BiH; te da naredbe suda i tužilaštva nisu sadržajno pozicionirane u optužnicama kao dokazni prijedlozi koje treba izvesti na glavnom pretresu, a koje naredbe služe kao dokaz o zakonitosti dokaza.⁸

⁷ Broj A-31/19 od 28.01.2019. godine.

⁸ Obavezno uputstvo o načinu evidentiranja naredbi u optužnom aktu koje ukazuju na zakonitost dokaza broj: A-29/22 od 18.01.2022. godine

2.3 Rješavanje pritužbi

U postupku rješavanja pritužbi podnosioca prijave i/ili oštećenog na konačnu odluku glavnog kantonalnog tužioca o neprovođenju istrage (član 231. st. (3) i (4) ZKP FBiH), odnosno u postupku rješavanja pritužbi oštećenog na konačnu odluku glavnog kantonalnog tužioca o obustavi istrage (član 239. stav (2) ZKP FBiH), federalni tužioci, u cilju ispitivanja osnovanosti pritužbe, pribavljaju krivični predmet kantonalnog tužioca i tom prilikom vrše nadzor da li je u konkretnom slučaju pravilno primijenjen Krivični zakon FBiH (član 20. Zakona o Federalnom tužilaštvu FBiH). O ishodu rješavanja pritužbe obavještava se podnosilac pritužbe i kantonalno tužilaštvo. Ova vrsta nadzora predstavlja najčešći oblik vršenja nadzora nad radom kantonalnih tužilaštava, te pored rješavanja pritužbi na konačne tužilačke odluke, ovaj nadzor obuhvata i pritužbe zbog neefikasnog postupanja kantonalnih tužilaštava u krivičnim predmetima, kada se kantonalnim tužilaštvima daju konkretne upute u pogledu prioritarnog i efikasnog rješavanja tih predmeta.

Treba napomenuti da nadzor kvaliteta tužilačkih odluka kroz rješavanje pritužbi na iste zaslužuje posebnu pažnju, kako zbog prakse Ustavnog suda BiH u pogledu pravilne primjene člana 6. Evropske konvencije za zaštitu ljudskih prava i osnovnih sloboda i konkretnih odluka, u kojima je predmet ocjene tog Suda bilo i pitanje rješavanja predmeta od strane tužilaštava u razumnom roku, tako i zbog obaveze realizacije planova rješavanja starih predmeta, te sprečavanja nastupanja zastarjelosti krivičnog gonjenja u tim predmetima. Iz tih razloga, kao i zbog ostvarivanja i zaštite prava oštećenih, te neophodnosti ujednačavanja prakse postupanja kantonalnih tužilaštava, glavni federalni tužilac je u prethodnim godinama donio više odgovarajućih općih obaveznih uputstava⁹ čija se implementacija redovno prati. Ovakva praksa Federalnog tužilaštva FBiH ocjenjena je kao dobra praksa te preporučena ostalim tužilaštvima u BiH u „Dijagnostičkoj analizi integriteta pravosudnog sektora u BiH i mogućih rizika nastanka korupcije ili neetičkog ponašanja u pravosuđu“¹⁰ USAID-ovog Projekta pravosuđa u BiH koji je podržan od VSTV BiH.

2.4 Posjete federalnih tužilaca kantonalnim tužilaštvima – godišnji nadzor rada kantonalnih tužilaštava

Jednom godišnje federalni tužioci vrše neposredne dvodnevne ili trodnevne posjete kantonalnim tužilaštvima, kojom prilikom se kontroliše rad tih kantonalnih tužilaštava u skladu sa Uputstvom o postupku nadzora rada kantonalnih tužilaštava u FBiH koje za svaku kalendarsku godinu donosi glavni federalni tužilac, a koje se prethodno razmatra i usvaja na Kolegiju Federalnog tužilaštva FBiH. Nakon završetka posjeta i pregleda rada, federalni tužioci sačinjavaju pojedinačne izvještaje za svako kantonalno tužilaštvo sa opisom zatečenog stanja i prijedlogom mjera, odnosno preporuka, za otklanjanje uočenih nepravilnosti. Prilikom svakog narednog pregleda, obavezno se pažnja poklanja i provedbi prethodno datih preporuka.

Početakom 2025. godine, glavni federalni tužilac donio je Obavezno uputstvo o postupku nadzora rada kantonalnih tužilaštava u Federaciji Bosne i Hercegovine za 2025. godinu, broj: A-114/25 od 26.02.2025. godine, kojim je kao primarni predmet nadzora određeno postupanje, odnosno zakonitost, efikasnost i ažurnost postupanja kantonalnih tužilaca, u istragama koje traju duže od šest (6) mjeseci, a naredbe su donesene u

⁹ Obavezno uputstvo o postupku rješavanja pritužbi na naredbe o neprovođenju istrage, naredbe o obustavi istrage, kao i pritužbi zbog neefikasnog i/ili nezakonitog rada tužilaca u krivičnim predmetima broj: A-30/22 od 27.01.2022. godine; Obavezno uputstvo broj: A-88/13 od 08.02.2013. godine, i dr.

¹⁰ Strana 96-98; publikacija dostupna na linku: <https://fbih.cest.gov.ba/download/dijagnosticka-analiza-integriteta-pravosudnog-sektora-u-bih-i-mogucih-rizika-od-nastanka-korupcije-ili-neeticnog-ponasanja-u-pravosudju/>

posljednje četiri (4) godine, pri čemu je bilo potrebno da federalni tužioci koji vrše nadzor obrate pažnju na zakonitost, efikasnost i ažurnost postupanja u predmetima ove vrste počev od analize blagovremenosti donošenja Naredbe o provođenju istrage – nakon što je utvrđeno postojanje osnova sumnje da je počinjeno krivično djelo, zatim, formalne i suštinske ispravnosti donesene Naredbe o provođenju istrage i dostatnosti obrazloženja iste, da li postoje opravdani razlozi zbog čega istraga nije okončana u roku od 6 mjeseci od dana donošenja Naredbe o provođenju istrage, da li je postupajući tužilac nakon proteka roka od šest mjeseci nakon donošenja Naredbe o provođenju istrage obavijestio glavnog tužioca o razlozima neokončanja istrage, da li je glavni tužilac nakon što je obaviješten da istraga nije okončana u roku, odredio novi rok za okončanje istrage i naložio poduzimanje potrebnih mjera da bi se istraga okončala, da li je postupajući tužilac okončao istragu u roku određenom od strane glavnog tužioca i poduzeo naložene mjere, ukoliko istraga nije okončana ni u ovom roku, da li je postupajući tužilac o razlozima zbog kojih istraga nije završena obavijestio glavnog tužioca, osumnjičenog i oštećenog u roku od 8 dana, te da li su osumnjičeni i oštećeni poučeni da imaju pravo u roku od 15 dana podnijeti pritužbu, da li je od strane osumnjičenog i oštećenog podnesena pritužba glavnom tužiocu zbog trajanja postupka i da li je glavni tužilac odredio novi rok u kojem se istraga mora okončati (ukoliko postoje procesne pretpostavke) i da li je o tome obavijestio podnosioca pritužbe, te konačno, da li je istraga okončana u ovom novom roku. Kao sekundarni predmet nadzora, i to u situaciji kada kantonalno tužilaštvo nema uopšte ili nema dovoljno predmeta za nadzor iz primarne oblasti nadzora, predmet nadzora bio je Sporazum o priznanju krivnje u posljednje četiri (4) godine, odnosno zakonitost, efikasnost i ažurnost postupanja kantonalnih tužilaca prilikom pregovaranja i zaključivanja sporazuma o priznanju krivnje, a posebno da li je prilikom pregovaranja o krivnji i zaključenju Sporazuma postupljeno u skladu sa Pravilima u postupku pregovaranja o krivnji i zaključenju Sporazuma o priznanju krivnje broj: A-585/19 od 23.01.2020. godine, da li je do sporazuma o priznanju krivnje došlo dobrovoljno, svjesno i sa razumijevanjem, da li je osumnjičeni/optuženi upoznat sa mogućim posljedicama, uključujući i posljedice vezane uz imovinsko-pravni zahtjev, oduzimanje imovinske koristi pribavljene krivičnim djelom i troškove krivičnog postupka, da li postoji dovoljno dokaza o krivnji osumnjičenog/optuženog, da li je osumnjičeni/optuženi upoznat i razumio da se sporazumom odriče prava na suđenje i da ne može uložiti žalbu na krivičnopravnu sankciju koja će mu se izreći, da li je u sporazumu predložena krivičnopravna sankcija u skladu sa zakonom, da li je oštećenom pružena mogućnost da se pred tužiocem izjasni o imovinsko-pravnom zahtjevu, te da li je glavni kantonalni tužilac dao saglasnost na zaključenje sporazuma.

U skladu sa ovim Uputstvom, federalni tužioci su bili u obavezi sa liste predmeta odabrati po šest predmeta i izvršiti pregled istih, te po mogućnosti organizirati sastanak Kolegija tužilaštva na kojem će se tužioci upoznati sa uočenim zapažanjima i razmotriti ostala pitanja iz rada nadziranog tužilaštva, te nadalje, sačiniti izvještaje o izvršenom nadzoru rada kantonalnih tužilaštava u roku od 30 dana od dana završetka pregleda. O donesenom Uputstvu blagovremeno su obaviještena i upoznata kantonalna tužilaštva, kako bi mogli pristupiti ispunjavanju obaveza propisanih uputstvom.

U konačnici, u pogledu ove vrste nadzora, može se zaključiti da su tokom 2025. godine, u Kantonalnom tužilaštvu Kantona Sarajevo tri federalna tužioca, u Kantonalnom tužilaštvu Bosansko – podrinjskog kantona Goražde jedan federalni tužilac, te u preostalih osam kantonalnih tužilaštava po dva federalna tužioca, izvršili pregled predmeta, svaki od po šest, što znači da je ovom vrstom nadzora u 2025. godini pregledano ukupno 120 predmeta.

Kao što je to bilo i prethodne godine, početkom 2026. godine će biti izvršena analiza zaključaka izvedenih provedenim nadzorima rada kantonalnih tužilaštava, te će ista biti

predstavljena svim glavnim kantonalnim tužiocima na Proširenom kolegiju glavnih tužilaca u F BiH, kako bi isti bili u mogućnosti o tome upoznati kantonalne tužioce svog tužilaštva. Cijeni se i ovdje bitnim ukazati da ova aktivnost Federalnog tužilaštva FBiH doprinosi unapređenju stručnosti i ujednačenosti postupanja kantonalnih tužilaca.

2.5 Posjete glavnog federalnog tužioca glavnim kantonalnim tužiocima

Kada se ukaže potreba, a najčešće na osnovu nalaza drugih poduzetih mjera nadzora koje ukazuju na potrebu pojačane pažnje ili poboljšanja određenog aspekta postupanja kantonalnih tužilaštava u procesuiranju predmeta, glavni federalni tužilac vrši posjetu glavnog kantonalnog tužioca, izlažući pri tome mjere i prijedloge koji mogu dovesti do povećanja efikasnosti i/ili zakonitosti procesuiranja.

Radi pojačane dinamike aktivnosti na uspostavi Posebnog odjela Federalnog tužilaštva FBiH, a u kojim aktivnostima neposredno učestvuje glavni federalni tužilac, u toku 2025. godine nisu realizovane posjete glavnim kantonalnim tužiocima (koje bi u cilju posjete 10 kantonalnih tužilaštava predstavljale 10 radnih dana koje bi glavni federalni tužilac izdvojio za ovu svrhu).

Navedeno niti u kojem slučaju ne znači da je izostao nadzor u ovom segmentu, jer je glavni federalni tužilac, umjesto navedenih posjeta, u toku 2025. godine uspostavio dinamiku održavanja tematskih Proširenih kolegija glavnih tužilaca u FBiH kojima prisustvuju svi glavni kantonalni tužiocima, glavni federalni tužilac i njegovi zamjenici, te na taj način nadomjestio vršenje posjeta pojedinim kantonalnim tužilaštvima. Teme za diskusiju su, prema dilemama sa kojima se u radu suočavaju, delegirali učesnici Proširenog kolegija, a iste su obuhvatile i rad na predmetima korupcije i organizovanog kriminala, uključujući i predmete visokog nivoa. Tako se (pored dva redovna Proširena kolegija posvećena ostvarenju i planiranju strateškog okvira kantonalnih tužilaštava), na dodatna tri tematska Proširena kolegija održana 2025. godine, razgovaralo o konkretnim temama koje su od značaja za rad kantonalnih tužilaštava, problemima sa kojima se kantonalna tužilaštva susreću u radu, mogućnostima unapređenja rezultata rada, te su dogovorene aktivnosti koje su, u konačnici, rezultirale poboljšanjem rezultata rada. Više informacija o sjednicama Proširenog kolegija je izloženo u poglavlju 2.10. ovog Izvještaja.

2.6 Konsultacije sa postupajućim kantonalnim tužiocima

Iako nedovoljno iskorištena, i tokom 2025. godine je nastavljena dugogodišnja praksa održavanja usmenih konsultacija kantonalnih tužilaca sa zaduženim tužiocem Federalnog tužilaštva FBiH, što podrazumijeva razgovore inicirane od strane kantonalnih tužilaca kada se susretnu sa određenim dilemama prilikom postupanja u konkretnim predmetima, dakle o pravnim pitanjima, posebno u odnosu na materijalno pravo, pojedine institute ZKP-a FBiH, te postupanje u žalbenim postupcima. Podsjećanja radi, praksa konsultacija je uspostavljena 2010. godine kada je Kolegij Federalnog tužilaštva F BiH je na osnovu saglasnosti glavnih kantonalnih tužilaca zauzeo zajednički stav broj: A – 46/10 od 16.03.2010. godine, a u cilju povećanja efikasnosti, stručnosti i zakonitosti postupanja.

2.7 Neposredan nadzor nad konkretnim predmetom

Ovaj vid nadzora primjenjuje se u predmetima koji, zbog svoje složenosti i naročitog javnog značaja, zahtijevaju involviranost federalnih tužilaca kako bi bilo osigurano efikasno i zakonito postupanje. Navedeno je pretežno karakteristika predmeta korupcije i

organizovanog kriminala na visokom nivou koji su ostali u nadležnosti kantonalnih tužilaštava. Tokom 2025. godine primjenjivan je ovaj vid nadzora.

2.8 Donošenje obaveznih uputstava

Pored obaveznih uputstava koja su spomenuta u okviru naprijed iznesenih načina realizovanja nadzora nad radom kantonalnih tužilaštava, bitno je za naglasiti da je glavni federalni tužilac u 2021. godini donio Obavezno uputstvo o prioritetnom radu na koruptivnim predmetima visokog nivoa¹¹, imajući u vidu novu definiciju korupcije visokog nivoa usvojenu od strane VSTV-a BiH na sjednici održanoj dana 23. i 24.06.2021. godine. Ovim Uputstvom su kantonalna tužilaštva obavezana da rad na predmetima korupcije visokog nivoa učine prioritetnim, što podrazumijeva da predmete koji se nalaze u fazi prijave odmah uzmu u rad i donesu odluku po prijavi, a u predmetima koji se nalaze u fazi istrage intenziviraju rad i u što kraćem roku donesu tužilačku odluku. Kantonalnim tužilaštvima je blagovremeno, putem e-maila i isti dan kada je doneseno, dostavljeno ovo Uputstvo na znanje i postupanje. O donošenju Uputstva obaviješten je predsjednik VSTV BiH i Stalna komisija za efikasnost i kvalitet tužilaštava pri VSTV BiH.

Predmetnim uputstvom postavljen je osnov za intenziviranje rada na ovoj vrsti predmeta koji su ostali u okviru nadležnosti kantonalnih tužilaštava, što uz ostale vidove nadzora, doprinosi ujednačavanju postupanja.

2.9 Održavanje sjednica Proširenog kolegija glavnih tužilaca u Federaciji BiH i sjednica tematskog Proširenog kolegija glavnih tužilaca u Federaciji BiH

Održavanje sjednica Proširenog kolegija doprinosi efikasnijem ostvarenju funkcije nadzora u provođenju strateških ciljeva kantonalnih tužilaštava, zatim ujednačavanju postupanja kantonalnih tužilaštava u okviru tužilačkog sistema Federacije BiH kroz predstavljanje kompiliranih nalaza provedenih godišnjih nadzora rada kantonalnih tužilaštava, te adresiranju aktualnih pitanja od značaja za rad kantonalnih tužilaštava.

2.9.1 Prošireni kolegij glavnih tužilaca u FBiH

U toku kalendarske godine, ustaljeno je održavanje dvije sjednice Proširenog kolegija glavnih tužilaca u Federaciji BiH, posvećene planiranju strateškog okvira kantonalnih tužilaštava – na istima se prezentuju strateški ciljevi kantonalnih tužilaštava koje je u toku kalendarske godine potrebno da postignu, odnosno prezentuju učinci njihove realizacije na pola tekuće godine, kako bi se time do kraja godine usmjerila realizacija postavljenih strateških ciljeva za tekuću godinu.

Rad na predmetima korupcije i organizovanog kriminala, uključujući i predmete visokog nivoa, predstavlja Strateški cilj 3 Strateškog okvira tužilačkog sistema u FBiH¹², te se na ovim sjednicama Proširenog kolegija prati nivo realizacije ciljanih rezultata kantonalnih tužilaštava kada se radi o postupanju u predmetima korupcije i organizovanog kriminala (uključujući i predmete visokog nivoa) u okviru Strateškog cilja 3.

U vezi sa predmetima korupcije i organizovanog kriminala, uključujući i predmete visokog nivoa, na sjednici Proširenog kolegija u februaru 2025. godine, raspravljano je, između ostalog, i o tome koja krivična djela iz KZ FBiH bi trebala biti uključena u Definiciju

¹¹ Obavezno uputstvo o prioritetnom radu na koruptivnim predmetima visokog nivoa broj: A-258/21 od 26.08.2021. godine

¹² Strateški okvir za tužilaštva u Federaciji Bosne i Hercegovine za period 2025 – 2027, dostupan na linku: <https://portalf01.pravosudje.ba/vstvfo-api/vijest/download/144809>

predmeta organizovanog kriminala obzirom da je na sjednicama kolegija glavnih javnih tužilaca Republike Srpske i glavnih tužilaca Federacije BiH koje su održane u julu 2024. godine kada je razmatrana analiza primjene Definicije korupcije i organizovanog kriminala visokog nivoa, iz diskusije proizašlo da, kada je riječ o predmetima organizovanog kriminala, u krivičnim zakonima postoje druga krivična djela koja su počinjena u okviru organizovane grupe u kojima se radi o kvalifikovanim oblicima krivičnih djela, a nisu obuhvaćena definicijom predmeta organizovanog kriminala iz člana 15. stav (4) Uputstva za primjenu Pravilnika o orijentacionim mjerilima za rad tužilaca u tužilaštvima u Bosni i Hercegovini te im se zbog toga ne dodjeljuje oznaka KTO u TCMS-u. Kolegiji su zaključili da je potrebno da Stalna komisija za efikasnost i kvalitet tužilaštava uradi analizu navedenih krivičnih djela u sva četiri krivična zakona u BiH, i nakon toga predloži usvajanje dopune definicije predmeta organizovanog kriminala u Uputstvu, pa je Kolegij glavnih tužilaca na ovoj sjednici zauzeo stav koji članovi KZ FBiH bi trebali biti uključeni u konačnu verziju Definicije predmeta organizovanog kriminala.

Na drugoj sjednici Proširenog kolegija glavnih tužilaca posvećenog strateškom planiranju iz jula 2025. godine, pored ostalog, diskutovano je i o većem vrednovanju u predmetima koji su ustupljeni Posebnom odjelu Federalnog tužilaštva FBiH, u skladu sa čime su doneseni određeni zaključci.

2.9.2 Tematski prošireni kolegij glavnih tužilaca FBiH

Uspostavljena je praksa održavanja i tematskih sjednica Proširenog kolegija, na kojima se:

- a) vrši analiza zaključaka provedenih godišnjih nadzora rada kantonalnih tužilaštava u cilju postizanja ujednačenog postupanja kantonalnih tužilaštava u okviru tužilačkog sistema Federacije BiH i
- b) adresiraju aktuelna pitanja od značaja za kantonalna tužilaštava.

Što se tiče tačke a) analiza zaključaka provedenih godišnjih nadzora rada kantonalnih tužilaštava, nakon što je za prethodnu, 2024. godinu proveden nadzor rada kantonalnih tužilaštava¹³, Federalno tužilaštvo FBiH je početkom 2025. godine analiziralo svih deset izvještaja, nakon čega je u mjesecu aprilu 2025. godine održalo tematsku sjednicu Proširenog kolegija na kojoj su predstavljeni rezultati analize, uočeni propusti u postupanju kantonalnih tužilaštava u ovoj vrsti predmeta, kroz diskusiju konstatovan prostor za unapređenje rada, te su kantonalnim tužilaštvima sačinjene i dostavljene preporuke za buduće postupanje. Glavnim kantonalnim tužiocima je sugerisano da osiguraju upoznavanje svih kantonalnih tužilaca sa analizom zaključaka provedenih nadzora rada kantonalnih tužilaštava, radi ujednačavanja postupanja kantonalnih tužilaca u F BiH u budućem radu. Također, nadzor rada kantonalnih tužilaštava koji je obavljen u toku 2025. godine (a koji obuhvata i predmete korupcije i organizovanog kriminala), o kojem je detaljnije obrazloženo u dijelu 2.4 ovog Izvještaja, biti će predmetom analize početkom drugog kvartala 2026. godine, te će biti sadržan u narednom izvještaju glavnog federalnog tužioca Federalnog

¹³ Uputstvom o postupku nadzora rada kantonalnih tužilaštava u Federaciji BiH u 2024. godini broj: A-203/24 od 29.03.2024. godine, predviđeno je da će Federalno tužilaštvo Federacije BiH u 2024. godini obaviti nadzor nad radom kantonalnih tužilaštava, te da će predmet nadzora FT FBiH biti:

- Postupanje kantonalnih tužilaca u predmetima krivičnog djela Nasilje u porodici i drugih srodnih krivičnih djela koja su učinjena prema članu porodice u KT i KTA fazi, bez obzira da li je u tim predmetima donesena negativna tužilačka odluka ili je podignuta optužnica, to jest postupanje kantonalnih tužilaca u ovim predmetima od podnošenja krivične prijave do donošenja odluke, i

- Naredba o neprovođenju istrage i Naredba o obustavi istrage u predmetima u kojima nije bilo pritužbe neovisno o vrsti predmeta.

tužilaštva FBiH o rješavanju predmeta korupcije i organizovanog kriminala sa posebnim fokusom na predmete ove vrste na visokom nivou.

U pogledu tačke b) diskusije o aktuelnim pitanjima od značaja za kantonalna tužilaštva, značajno je napomenuti da je na tematskom Proširenom kolegiju održanom u mjesecu aprilu 2025. godine raspravljano je i o Analizi strukture popisa predmeta iz nadležnosti Posebnog odjela, donošenju Plana i dinamici preuzimanja predmeta, te je zaključeno da hitni predmeti trebaju 30.04. ili eventualno 05.05.2025.godine već biti u Posebnom odjelu, a da će od 30.04.2025.godine posebni zamjenik sa glavnim kantonalnim tužiocima dogovarati daljnu dinamiku preuzimanja predmeta i to prvo predmeta u fazi istrage a zatim predmeta u fazi prijave, te su usvojeni i određeni kriteriji odnosno standardi za određivanje nespornih predmeta za preuzimanje od strane Posebnog odjela FT FBiH. Radi prevencije nekontrolisanog podizanja optužnica u predmetima iz buduće nadležnosti Posebnog odjela FT FBiH koji još uvijek nisu spremni za optuženje, dogovoreno je da prije upućivanja nadležnom sudu, svaka optužnica kantonalnih tužilaštava mora dobiti pozitivno mišljenje Federalnog tužilaštva FBiH. Dogovoren je i mehanizam adekvatnog vrednovanja rada kantonalnih tužilaca na predmetima prije njihovog ustupanja Posebnom odjelu.

Tematska sjednica Proširenog kolegija koja je održana u oktobru 2025. godine bila je posvećena realizaciji planova rada i trenutnim rezultatima rada na predmetima ratnih zločina, i predmetima korupcije i organizovanog kriminala, sa osvrtom na predmete visokog nivoa, te je zaključeno da sva kantonalna tužilaštva trebaju da poduzmu sve što je u njihovoj mogućnosti da se završe predmeti koji se objektivno mogu završiti. Na ovoj proširenog kolegiju raspravljano je i o članu 240. ZKP FBiH (dužina trajanja istraga, obavještanje glavnog tužioca o neokončanju istrage, pritužbe uložene na dužinu trajanja istražnog postupka) te je donesen i zajednički stav u vezi sa obavezama tužilaca i glavnih tužilaca kada je u pitanju navedeni član zakona, a također je raspravljano i o pitanju sukoba nadležnosti između Posebnog odjela Federalnog tužilaštva i kantonalnih tužilaštava i mogućim rješenjima istog.

Tematska sjednica Proširenog kolegija koja je održana u novembru 2025. godine bila je posvećena mogućim izmjenama člana 25. Zakona o suzbijanju korupcije i organizovanog kriminala u FBiH.

Dinamika održavanja sjednica Proširenog kolegija (dva posvećena strateškom planiranju i dva tematska) pokazala se optimalnom za adekvatno praćenje postizanja zadatih ciljeva od strane kantonalnih tužilaštava, upoznavanja sa pozitivnim praksama koje su uočene u pojedinim kantonalnim tužilaštvima, te postizanja ujednačenog postupanja svih kantonalnih tužilaštava. Ove godine održana su tri tematske sjednice Proširenog kolegija imajući u vidu da je u 2025. godini počeo sa radom Posebni odjel i da su se pojavila određena pitanja koja su se trebala raspraviti na sjednicama Proširenog kolegija.

2.10 Aktivnosti koje se odnose na nadzor nad radom Posebnog odjela za suzbijanje korupcije, organizovanog i međukantonalnog kriminala Federalnog tužilaštva Federacije Bosne i Hercegovine

Od uspostave ovog vida izvještavanja o predmetima korupcije i organizovanog kriminala uključujući predmete visokog nivoa, parametri koje je davao VSTV BiH za izradu predmetnog izvještaja nisu uključivali mogućnost izlaganja o radu Posebnog odjela FT FBiH, jer isti u to vrijeme još nije bio uspostavljen, a u prethodnim godinama glavni federalni tužilac je izlagao o aktivnostima koje je preduzimao, mogućnostima i izazovima njegove uspostave. Imajući u vidu da je Posebni odjel FT FBiH dana 30.04.2025. godine počeo sa

radom, nalazimo za shodno u adekvatnim dijelovima ovog Izvještaja dati osvrt i na njegov dosadašnji rad, s obzirom na njegovu nadležnost iz člana 7. i 25. Zakona o suzbijanju korupcije i organizovanog kriminala u FBiH i okolnost da je Posebni odjel FT FBiH preuzeo veliki broj predmeta korupcije i organizovanog kriminala koji su bili evidentirani u kantonalnim tužilaštvima.

Na Proširenom kolegiju glavnih tužilaca koji je održan 09. i 10.02.2026. godine odlučeno je da se strateški rezultat koji se odnosi na predmete korupcije i organizovanog kriminala na visokom nivou u odnosu na kantonalna tužilaštva više ne prati, obzirom da se rješavanje ove vrste predmeta nalazi u najvećoj mjeri u nadležnosti Posebnog odjela.

Stoga, u pogledu nadzora nad radom Posebnog odjela FT FBiH, cijeni se značajnim spomenuti da je dana 31.10.2025. godine, glavni federalni tužilac donio je Obavezno uputstvo o postupku davanja konsultativnog mišljenja na nacrt optužnica Posebnog odjela FT FBiH broj: A-886/25. Predmetnim uputstvom propisan je postupak davanja konsultativnog mišljenja od strane federalnog tužioca Opšteg odjela na nacrt optužnica Posebnog odjela FT FBiH, a prije njenog upućivanja sudu na potvrđivanje. Potrebno je ukazati da je predmetnim Obaveznim uputstvom propisano da će se nakon proteka dvije godine od njegovog stupanja na snagu preispitati potreba njegove dalje primjene.

Nadalje, uspostavom Posebnog odjela FT F BiH ukazala se potreba i za donošenjem Obaveznog uputstva o postupku rješavanja pritužbi uložениh na naredbe o neprovođenju istrage, naredbe o obustavi istrage Posebnog odjela FT F BiH, o postupku rješavanja pritužbi uložениh na odluke Ureda glavnog federalnog tužioca, o postupku rješavanja pritužbi uložениh od strane policijskih agencija i dr. na odluke Posebnog odjela FT F BiH, o postupku rješavanja pritužbi uložениh zbog dužine trajanja istražnog postupka u predmetima Posebnog odjela FT F BiH, koje je pod brojem: A-1004/25 donio glavni federalni tužilac dana 04.12.2025. godine. Kao što iz njegovog naziva proizilazi, navedenim Obaveznim uputstvom uređen je postupak po pritužbama podnesenim na tužilačke odluke Posebnog odjela FT FBiH. Ovdje je potrebno posebno ukazati da je ovim Obaveznim uputstvom detaljno razrađena dvostепенost u odlučivanju po negativnim odlukama Posebnog odjela FT FBiH koja je predviđena Pravilnikom o unutrašnjem poslovanju, organizaciji i sistematizaciji radnih mjesta Federalnog tužilaštva FBiH broj: A-63/25 od 30.01.2025. godine.

Bitno je i istaći da određeni vid nadzora predstavlja i održavanje redovnih i vanrednih sjednica Kolegija Federalnog tužilaštva FBiH, na kojima učesnici diskutuju o pravnim pitanjima postižući time ujednačavanje postupanja u predmetima sa sličnom činjeničnom / pravnom osnovom. U smislu rada na predmetima korupcije i organizovanog kriminala, održavaju se sjednice Kolegija Posebnog odjela FT FBiH.

3 Kritički osvrt na rezultate rada svakog kantonalnog tužilaštva u rješavanju predmeta korupcije i organizovanog kriminala, sa posebnim fokusom na predmete na visokom nivou

Kao i prethodne godine, stanje procesuiranja predmeta korupcije i organizovanog kriminala, uključujući i predmete visokog nivoa, u kantonalnim tužilaštvima je generalno uredno. Statistički pokazatelji kantonalnih tužilaštava, izraženi u godišnjim izvještajima o radu, ukazuju na kontinuitet ozbiljnog i kvalitetnog pristupa radu na predmetima korupcije i organizovanog kriminala. Početak rada Posebnog odjela FT FBiH neminovno je doveo do usporavanja rada na ovim predmetima, gledajući na nivou Federacije BiH, što se i moglo

očekivati imajući u vidu da se radi o osnivanju sasvim novog prvostepenog tužilaštva i proces preuzimanja predmeta. Bez obzira na to, rad na predmetima korupcije i organizovanog kriminala, uključujući predmete visokog nivoa, ostaju fokus rada kako kantonalnih tužilaštava, tako i Posebnog odjela FT FBiH.

3.1 Kantonalno tužilaštvo Kantona Sarajevo

Tokom 2025. godine desile su se promjene u pogledu značajne redukcije nadležnosti kantonalnih tužilaštava u procesuiranju krivičnih djela protiv organizovanog kriminala i krivičnih djela korupcije jer je osnivanjem Posebnog odjela Federalnog tužilaštva FBiH najveći dio te vrste predmeta postala stvarna nadležnost Posebnog odjela, te svi predmeti oznake „KTOV“ i „KTKV“. U predmetima koji su ustupljeni na nadležnost Posebnom odjelu FT FBiH, preduzimate su brojne i najkompleksnije radnje dokazivanja u najsloženijim predmetima visoke korupcije poput predmeta „Incitat“, „Vidikovac“, „GRAS“ i drugi gdje je Kantonalno tužilaštvo Kantona Sarajevo faktički preduzelo sve radnje dokazivanja u istrazi, i dostavilo predmete Posebnom odjelu na dalje postupanje radi donošenja konačne tužilačke odluke.

Tokom 2025. godine u predmetima oznake „KTKV“ (korupcija visokog nivoa) su riješene istrage u tri predmeta u odnosu na 29 lica, dok je status neriješenih istraga za 2025. godinu za ovu oznaku 0. U pogledu organizovanog kriminala visokog nivoa riješeno istraga u jednom predmetu u odnosu na 10 lica, a broj neriješenih istraga sa 31.12.2025. godine u predmetima ove oznake je 0.

Što se tiče podignutih optužnica, u predmetima oznake „KTOV“ u 2025. godini podignute su 2 optužnice navedene oznake za 12 lica, dok u 2 predmeta protiv ukupno 9 lica nije do kraja 2025. godine nije bilo donesena odluka po tim optužnicama, U predmetima oznake „KTKV“ tokom 2025. godine potvrđene su 2 optužnice u dva predmeta protiv 2 lica.

KTKS je u posmatranom periodu 2025. godine intenzivno radilo na finalizaciji i okončanju istraga te podizanju optužnica za krivična djela „KTOV“ i „KTKV“ oznake tamo gdje je to bilo moguće, imajući u vidu da je dana 30.04.2025. godine formiran i otpočeo sa radom Posebni odjel Federalnog tužilaštva F BiH, pa su predmeti visokog stepena organizovanog kriminala i korupcije uglavnom oznaka „KTKV“ i „KTOV“ ustupljeni tom Tužilaštvu na dalje nadležno postupanje, a shodno uslovima propisanim članom 25. Zakona o suzbijanju korupcije i organiziranog kriminala u Federaciji BiH.

Tokom 2025. godine u predmetima korupcije (KTK oznake) riješeno je ukupno 28 istraga u odnosu na 42 lica, te je podignuto 17 optužnica protiv 21 lica.

3.2 Kantonalno tužilaštvo Tuzlanskog kantona Tuzla

Prijave: Poredeći pregled prijava iz 2025. sa pregledom prijava iz 2024. godine, evidentan je rast po svim parametrima koji se uzimaju u obzir u pregledu prijava.

Razlog povećanja neriješenih prijava (u svim vrstama predmeta na nivou tužilaštva), jeste kadrovska dekapacitiranost KT TK, koja se ogledala u nedostatku tokom godine i to, šest tužilaca (odlazak u mirovinu i imenovanja na druge pozicije), dvije nepopunjene pozicije odobrene po sistematizaciji i dvije pozicije tužilaca koji su permanentno na bolovanju, dakle ukupno 25% tužilačkog kapaciteta, te generalni štrajk državnih službenika i namještenika koji je trajao nepuna dva mjeseca.

Vrsta predmeta	Nerješeno prijava iz ranijeg perioda	Primljeno prijava u izv. periodu	Ukupno u radu	Rješeno prijava u izv. periodu	Nerješeno prijava na kraju izv. perioda
KTK	90	150	240	148	92
KTKV	1	1	2	2	0
KTO	4	4	8	4	4
KTOV	0	0	0	0	0

Istrage: Kadrovka dekapacitiranost KT TK se odrazila i na segment koji se odnosi na riješene/naređene istrage u toku 2025. godine.

Vrsta predmeta	Nerješene istrage ranijeg perioda	Naređene istrage u izv. periodu	Ukupno istraga u radu	Rješeno istraga u izv. periodu	Nerješeno istraga na kraju izv. perioda
KTK	8	26	34	26	8
KTKV	0	2	2	2	0
KTO	0	2	2	2	0
KTOV	0	0	0	0	0

Ostvareni rezultati u radu na predmetima korupcije i organiziranog kriminala:

Kada su u pitanju ostvareni rezultati u radu na predmetima korupcije i organizovanog kriminala, zadržan je približno isti trend u 2025. godini u odnosu na 2024. godinu, uz napomenu da je od 30.04.2025. godine, počeo sa radom Posebni odjel FT FBiH, a što je doprinijelo izostanku predmeta visoke korupcije i organizovanog kriminala na visokom nivou u nadležnosti ovog tužilaštva.

Pored nedostatka tužilaca, tokom 2025. godine, povećan je broj KTK optužnica kao i predmeta u fazi istrage što će se odraziti i na pozitivne trendove u narednoj godini.

Kao sastavni dio kritičkog osvrta na rezultate rada Kantonalnog tužilaštva Tuzlanskog kantona u rješavanju predmeta korupcije i organizovanog kriminala, ispod se nalazi tabelarni prikaz za 2025. godinu:

Vrsta predmeta	Broj nerješenih predmeta na početku perioda	Broj primljenih predmeta u toku perioda	Broj predmeta koji su riješeni u toku perioda	Broj nerješenih predmeta na kraju perioda
KTK	92	154	148	98
KTKV	1	1	2	0
KTAK	433	412	396	449
KTO	4	4	4	4
KTOV	0	0	0	0
SUM	530	571	550	551

Vrsta predmeta	Broj zaprimljenih u toku perioda	Broj naredbi o nesprovođenju istrage	Broj naredbi o obustavi istrage	Broj podignutih optužnica
KTK	154	103	4	25
KTAK	412	205	0	0
KTPO	39	21	5	9
KTAPO	13	7	0	0
KTO	4	0	0	2
KTKV	1	0	0	1
KTOV	0	0	0	0
SUM	623	336	9	37

3.3 Kantonalno tužilaštvo Zeničko – dobojskog kantona Zenica

Kantonalno tužilaštvo Zeničko-dobojskog kantona je u toku 2025. godine u rješavanju predmeta korupcije i organizovanog kriminala, sa posebnim fokusom na predmete ove vrste na visokom nivou, statistički gledano, ostvarilo slabije rezultate nego u prethodnim godinama, a što je u najvećoj mjeri vezano za promjenu stvarne nadležnosti uslijed otpočinjanja sa radom Posebnog odjela za suzbijanje korupcije, organizovanog i međukantonalnog kriminala pri Federalnom tužilaštvu F BiH. Naime, u prvoj polovini 2025. godine u skladu sa ranijim zaključcima i uputama Federalnog tužilaštva izvršeno je ustupanje na nadležnost većeg broja ove vrste predmeta, pa je tako do sedmog mjeseca 2025. godine proslijeđeno ukupno 58 predmeta. U drugom dijelu 2025. godine vršena su i pojedinačna ustupanja predmeta najčešće po novozaprimljenim prijavama, te će konačna informacija o broju takvih predmeta biti dostavljena naknadno.

Što se tiče konkretnog rada na predmetima korupcije i organizovanog kriminala, sa posebnim fokusom na predmete ove vrste na visokom nivou u 2025. godini Kantonalno tužilaštvo je ukupno u radu imalo 62 KTK predmeta od čega je 43 zaprimljeno u 2025. godini. U toku 2025. godine od tog broja riješeno je ukupno 42 predmeta, od čega 10 podizanjem optužnice, a 27 donošenjem naredbe o neprovođenju istrage, odnosno 5 predmeta donošenjem naredbe o obustavi istrage.

Kantonalno tužilaštvo posebno ističe da je u toku 2025. godine u radu imalo ukupno 77 KTAK predmeta od čega je 28 zaprimljeno u 2025. godini. U toku 2025. godine je riješeno 24 predmeta.

U 2025. godini nije bilo novozaprimljenih KTO, KTKV niti KTOV predmeta.

Sa aspekta kvalitete tužilačkog rada po prethodno opisanim predmetima u toku 2025. godine, glavna tužiteljica nalazi da je isti bio na zavidnom nivou. Iako nije podignut veliki broj optužnica, donesen je veliki broj negativnih tužilačkih odluka kojima je prethodila saradnja sa policijskim agencijama na provjeravanju osnovanosti navoda iz prijave od kojih je veći broj anonimnih, koje provjere su oduzimale mnogo vremena kako policijskim agencijama na prikupljanju dokaza, tako i tužiocima na analizi istih i donošenju konačnih tužilačkih odluka. O navedenoj pojavi glavna tužiteljica je izvijestila i prethodne godine. S tim u vezi i dalje stoji naznaka iz prošlogodišnjeg izvještaja o kapacitetima policijskih agencija u radu na ovoj vrsti predmeta kako u smislu izostanka specijalističkih obuka za policijske službenike, tako i u smislu izostanka potpune specijalizacije i raspoloživosti policijskih službenika za rad samo na ovim predmetima. I u ovoj godini, a što je bilo naznačeno i u prošlogodišnjem izvještaju kao otežavajuću okolnost u radu Kantonalno tužilaštvo ističe preopterećenost vještaka u slučajevima kada su angažovani po ovoj vrsti predmeta i dužinu trajanja tih vještačenja.

Posebna aktivnost vrijedna pažnje u 2025. godini jeste i potpisivanje Memoranduma o međusobnoj saradnji u postupcima oduzimanja i upravljanja imovinskom koristi stečenom krivičnim djelom koji je Kantonalno tužilaštvo zaključilo sa Federalnom agencijom za upravljanje oduzetom imovinom dana 03.12.2025. godine koji Memorandum je bliže uredio postupanje i saradnju ove dvije institucije u postupcima gdje se privremeno i trajno oduzima imovinska korist stečena krivičnim djelima, edukacija državnih i policijskih službenika i nosilaca pravosudnih funkcija, kao i uspostavljanje efikasnije međusobne saradnje na strateškom i operativnom nivou. S tim u vezi održana je i dvodnevna radionica – edukacija iz oblasti finansijske istrage i oduzimanje imovine kojoj su, osim tužilaca, prisustvovali i policijski službenici MUP-a ZDK, što je prva zajednička aktivnost te vrste usmjerena na procesne alate koji su vrlo bitni u procesuiranju krivičnih djela korupcije i organizovanog kriminala, sa posebnim fokusom na predmete ove vrste na visokom nivou.

3.4 Kantonalno tužilaštvo Unsko – sanskog kantona Bihać

Tokom 2025. godine Kantonalno tužilaštvo Unsko-sanskog kantona nastavilo je kontinuirano i zakonito postupanje u predmetima korupcije i krivičnih djela protiv službene i druge odgovorne funkcije, uz stabilan nivo procesnih aktivnosti i održavanje profesionalnih standarda u radu.

U izvještajnom periodu podignuto je ukupno 12 optužnica u predmetima korupcije, kao i jedna optužnica u predmetu korupcije visokog nivoa. Većina optužnica odnosila se na zloupotrebe položaja ili ovlaštenja iz člana 383. stav (1) KZ FBiH, pri čemu su procesuirani slučajevi nepravilnosti u postupcima zapošljavanja u javnim ustanovama, kao i zloupotrebe u oblasti priređivanja igara na sreću. Također u izvještajnom periodu podignute su dvije optužnice iz oblasti organizovanog kriminala koje su se odnosile na Neovlaštenu proizvodnju i stavljanje u promet opojnih droga iz člana 238. stav (2) i Udruživanje radi činjavanja krivičnih djela iz člana 340. stav (1) KZ F BiH.

U 2025. god. ukupno je urađeno 108 KTK predmeta. Pored već navednih 12 optužnica, 13 predmeta je završeno naredbom o obustavi istrage, dok je 6 predmeta ustupljeno na nadležno postupnje drugom Tužilaštvu (pretežno novoformiranom Posebnom odjelu Federalnog tužilaštva). Ostali predmeti su okončani donošenjem naredbe o neprovođenju istrage. Dakle, koruptivni predmeti u Kantonalnom tužilaštvu se dominantno završavaju naredbom o neprovođenju istrage, a podignute optužnice su uglavnom podizane zbog predmeta sitne korupcije uz izuzetak jednog predmeta korupcije visokog nivoa (koji će kasnije biti zasebno elaboriran).

Takvi rezultati nisu potpuno zadovoljavajući te je potrebno poduzimanje učinkovitijih mjera radi poboljšanja tog stanja. Potrebno je kod tužilaca povećati nivo proaktivnog djelovanja i povećati broj istraga koje se provode. Određene mjere i radnje će biti poduzete u 2026. godini, a u cilju povećanja kvalitete rada na koruptivnim predmetima u 2026. godini.

3.5 Kantonalno tužilaštvo Srednjobosanskog kantona Travnik

Kada su u pitanju predmeti korupcije i organizovanog kriminala poseban akcenat je stavljen na ove vrste predmeta zbog čega su kontinuirano održavani sastanci sa komesarom MUP SBK-a i FUP-om tokom 2025. godine gdje je dogovoreno da je rad po predmetima korupcije i organizovanog kriminala, posebno visokog nivoa prioritet u postupanjima.

Kada su u pitanju predmeti korupcije u toku 2025. godine Tužilaštvo je ukupno zaprimilo 15 prijave u izvještajnom periodu, te je bilo neriješenih prijava na kraju 2024. godine 5 predmeta, tako da je ukupno u radu bilo 20 prijava u predmetima korupcije, od

toga je riješeno 16 prijava na način da je doneseno u 4 predmeta naredba o neprovođenju istrage, naređeno je 7 istraga, i u 5 predmeta je prijava riješena na drugi način, tako da je na kraju 2025. godine ostalo je neriješenih ukupno 4 predmeta korupcije u prijavi.

U izvještajnom periodu ukupno je naređeno istraga u 7 predmeta, dok je iz prethodnog perioda bilo neriješenih 12 istraga, što ukupno iznosi 19 istraga u radu, od toga je u 2 KTK predmeta donesena naredba o obustavi istrage, dok je u 9 KTK predmetu podignuta optužnica, u 1 predmetu je istraga riješena na drugi način, tako da je na kraju izvještajnog perioda ostalo neriješenih 7 istraga, koji su uključeni u Plan rješavanja predmeta korupcije i organizovanog kriminala za 2026. godinu.

Što se tiče predmeta organizovanog kriminala sa oznakom(KTO) neriješena prijava iz prethodnog perioda, a zaprimljene je 1 prijave, te je ukupno u radu bilo 1 predmeta, dok je ostala 1 istraga neriješena u prethodnog perioda i naređena je jedna istraga, tako da je ukupno istraga bilo u 2 predmeta, predmetu prijava je riješena na drugi način prelaskom u drugu oznaku predmeta i to u KTOV, tako da je na kraju 2025. godine ostala jedna istraga neriješena u predmetu KTO.

Predmet organizovanog kriminala visokog nivoa (KTOV) koji je formiran u 2025. godini je završen na drugi način i to prenos nadležnosti u Poseban odjel za borbu protiv korupcije, organizovanog i međukantonalnog kriminala pri Federalnom tužilaštvu.

Na ovim vrstama predmeta će se insistirati na sastancima sa policijskim agencijama, te će se zajedničkim aktivnostima Tužilaštva, te MUP-a SBK i FUP-a analizirati i reducirati slabosti u otkrivanju procesuiranja i kažnjavanja aktera s ciljem efikasnijeg procesuiranja koruptivnih krivičnih djela, organizovanog kriminala i korupcije visokog nivoa i organizovanog kriminala visokog nivoa.

U cilju postizanja većeg stepena efikasnosti postupanja po ovim predmetima svi tužioci su vršili nadzor nad radom ovlaštenih službenih osoba. Održani su sastanci sa predstavnicima FUP-a i MUP-a na kojima se insistiralo na povećanju ove vrste predmeta.

3.6 Kantonalno tužilaštvo Hercegovačko – neretvanskog kantona Mostar

Kantonalno tužilaštvo Hercegovačko – neretvanskog kantona ističe da je u 2025. godini podiglo sedam optužnica oznake KTK, dok nije bilo optužnica u predmetima KTKV i KTOV oznake. U 2025. godini formiran je jedan predmet KTKV u kojem se još uvijek poduzimaju istražne radnje i odnosi se na jednog gradonačelnika. Jedan broj predmeta koji bi eventualno mogao dobiti ove oznake je ustupljen na stvarnu nadležnost Posebnom odjelu FT FBiH. Pored toga podignuta je 21 optužnica u KTPO predmetima. O razlozima ovakvih rezultata rada raspravljalo se na Proširenom Kolegiju glavnih tužilaca u FBiH.

3.7 Kantonalno tužilaštvo Zapadnohercegovačkog kantona Široki Brijeg

Vezano za kritički osvrt na rezultate iz 2025. godine, Kantonalno tužilaštvo Zapadnohercegovačkog kantona ističe da su u 2025. godini u predmetima korupcije riješene sve zaprimljene prijave (ukupno 8), od kojeg broja je u 5 predmeta donesena naredba o neprovođenju istrage, u 1 predmetu je prijava riješena na drugi način i u 2 predmeta je naređena istraga. U 2025.godini su podignute 2 optužnice, dok je u 1 predmetu donesena naredba o obustavi istrage, a u 1 predmetu je istraga riješena na drugi način. Na kraju godine u predmetima korupcije nije ostalo neriješenih prijava, dok se 8 predmeta nalazi u fazi istrage od ukupno 12 istraga u radu. U odnosu na prethodnu godinu smanjen je priliv prijava u predmetima korupcije za više od 50% predmeta, nije ostalo neriješenih prijava, te je i broj neriješenih istraga u odnosu na prethodnu godinu smanjen za 1 predmet.

U 2025. godini u predmetima organiziranog kriminala nije bilo zaprimljenih prijava dok se 1 predmet nalazio u fazi istrage. U izvještajnom periodu je u 1 predmetu istraga riješena na drugi način. Na koncu godine predmetima organiziranog kriminala nije bilo neriješenih prijava, niti naređenih istraga, nije bilo podignutih optužnica. U odnosu na prethodnu godinu, u kojoj je bilo 6 prijava organiziranog kriminala, došlo je do smanjenja, odnosno uopće nije bilo prijava organiziranog kriminala.

Što se tiče predmeta organiziranog kriminala i korupcije na visokom nivou potrebno je istaći da u Kantonalnom tužilaštvu Zapadnohercegovačkog kantona, nije bilo novih prijava ni formiranih predmeta ove vrste, dok se u 1 predmetu vodi istraga iz predmeta korupcije visokog nivoa (KTKV).

3.8 Kantonalno tužilaštvo Posavskog kantona Orašje

Kantonalno tužilaštvo Posavskog kantona Orašje je u predmetima korupcije (KTK predmeti) imalo neriješenih prijava iz ranijih godina 4, dok smo u 2025. godini zaprimili 11 KTK prijava, tako da je ukupno prijava u radu bilo 15, od čega smo 7 prijava riješili u izvještajnom periodu, te je broj neriješenih prijava na kraju izvještajnog perioda 8. Kada su u pitanju istrage, broj neriješenih istraga iz ranijih godina je 2, a nismo imali naređenih istraga u 2025. godini, dok je broj riješenih istraga u izvještajnom periodu 1, tako da je na kraju izvještajnog perioda broj neriješenih KTK istraga 1. Dakle, ovo tužilaštvo je u tijeku 2025. godine imalo u radu ukupno 17 KTK predmeta, od čega je 8 riješeno i to 6 predmeta je riješeno Naredbom o neprovođenju istrage, 1 predmet je riješen Naredbom o obustavi istrage, a 1 predmet je riješen na drugi način- nenadležnost, tako da je na kraju 2025. godine ostalo neriješeno 9 KTK predmeta. Nadalje, u tijeku 2025.godine u predmetima KTK donesena je 1 pravomoćna osuđujuća presuda, a nismo imali pravomoćnih oslobađajućih, niti odbijajućih a niti pravomoćnih rješenja o odbijanju potvrđivanja optužnice. U 2025.godini nismo imali neriješenih predmeta organiziranog kriminala (KTO predmeti), a niti neriješenih predmeta korupcije i organiziranog kriminala na visokom nivou (KTKV i KTOV predmeti), ali smo imali i to u fazi glavne rasprave na sudu 1 predmet KTKV po optužnici ovog tužilaštva iz 2021.godine i 1 predmet KTOV po optužnici Tužilaštva BiH iz 2017.godine koja je iste godine dostavljena ovom tužilaštvu na nadležnost i postupanje a u kojem KTOV predmetu je donesena pravomoćna osuđujuća presuda. Imajuću u vidu prezentirane statističke pokazatelje, može se zaključiti da je ovo tužilaštvo ostvarilo zadovoljavajuće rezultate u radu na predmetima navedenih vrsta. Na to prije svega ukazuje činjenica da na kraju 2025.godine imamo samo 9 neriješenih KTK predmeta, zatim da su svi pravomoćno presuđeni KTK predmeti, presuđeni 100% pravomoćnom osuđujućom presudom, te naposljetku da smo u 2025.godini pred sudom postupali u navedenom KTKV i KTOV predmetu. Pri svemu tome treba imati u vidu i činjenicu da ovo tužilaštvo ima mali broj KTK predmeta.

3.9 Kantonalno tužilaštvo Kantona 10 Livno

Kantonalno tužilaštvo je istaklo da, u pogledu rješavanja predmeta korupcije i organiziranog kriminala, u toku 2025. godine nije ostvarilo strateški cilj koji se odnosi na povećanje broja riješenih predmeta u odnosu na prethodnu godinu za 5%, budući da su riješena 4 predmeta, dok je 2024. godine riješeno 11 predmeta. Iz prethodnog izvještajnog perioda, u 2025 godinu prenesena su ukupno 4 predmeta, zaprimljeno je 8 novih KTK predmeta, tako da je u radu bilo ukupno 12 KTK predmeta, od kojih je 4 riješeno dok su u 2026 godinu prenesena 4 KTK predmeta.

Kada su u pitanju predmeti korupcije i organizovanog kriminala na visokom nivou, ovo kantonalno tužilaštvo je u radu u 2025. godini imalo 1 takav predmet koji je iskazan završenim na način da je isti preuzet od strane Posebnog odjela FT FBiH.

3.10 Kantonalno tužilaštvo Bosansko – podrinjskog kantona Goražde

U 2025. godini Kantonalno tužilaštvo BPK Goražde podignulo je 3 (tri) optužnice u predmetima korupcije, od kojih su u 2 (dva) predmeta optuženi policijski službenici MUP-a BPK-a Goražde. Kada je riječ o predmetima korupcije na visokom nivou, podignuta je 1 (jedna) optužnica protiv Gradonačelnika Grada Goražda. Obzirom na činjenicu da je Kantonalno tužilaštvo BPK Goražde najmanja tužilačka institucija u Bosni i Hercegovini, glavni tužilac smatra da su ovo veoma dobri rezultati, osobito kada se ima u vidu i svojstvo optuženih lica, te kakav interes javnosti u manjim zajednicama postoji za predmete ovakve vrste.

3.11 Posebni odjel Federalnog tužilaštva FBiH

Nadležnost Posebnog odjela FT FBiH propisana je članom 7. Zakona o suzbijanju korupcije i organizovanog kriminala u FBiH i podrazumijeva nadležnost da provodi istražne radnje i vrši funkciju otkrivanja i krivičnog gonjenja učinilaca krivičnih djela korupcije, organizovanog i međukantonalnog kriminala koja su u nadležnosti Posebnog odjela suda u smislu člana 25. stav 1. istog Zakona.

Proces preuzimanja od kantonalnih tužilaštava predmeta koji shodno Zakonu trebaju biti u nadležnosti Posebnog odjela FT FBiH, je započeo mnogo prije uspostave Posebnog odjela FT FBiH (o čemu je Federalno tužilaštvo FBiH izvještavalo VSTV BiH u prethodnim godinama), ali je načelno realiziran početkom rada Posebnog odjela, uz napomenu da proces preuzimanja predmeta nije u cijelosti okončan. Također, potrebno je imati u vidu i da se pojedini predmeti i dalje sporadično dostavljaju od strane kantonalnih tužilaštava kada ta tužilaštva utvrde prisustvo neke od okolnosti iz člana 25. Zakona.

Ovdje je potrebno naglasiti da je broj predmeta predviđenih za preuzimanje od kantonalnih tužilaštava bio okvirno 350-400 predmeta, dok je sa danom 31.12.2025. godine broj preuzetih predmeta iznosio ukupno 782. U izvještajnom periodu Posebni odjel FT FBiH je zaprimio ukupno 374 prijave direktno od strane podnosilaca, što u zbiru čini 1156 ukupno zaprimljenih odnosno evidentiranih predmeta u Posebnom odjelu FT FBiH. Broj preuzetih predmeta po kantonalnim tužilaštvima predstavljen je u sljedećoj tabeli:

Naziv kantonalnog tužilaštva	Broj
Kantonalno tužilaštvo Zeničko – dobojskog kantona	83
Kantonalno tužilaštvo Zapadno – hercegovačkog kantona	20
Kantonalno tužilaštvo Tuzlanskog kantona	35
Kantonalno tužilaštvo Hercegovačko – neretvanskog kantona	30
Kantonalno tužilaštvo Srednjobosanskog kantona	59
Kantonalno tužilaštvo Kantona Sarajevo	465
Kantonalno tužilaštvo Posavskog kantona	21
Kantonalno tužilaštvo Unsko – sanskog kantona	31
Kantonalno tužilaštvo Kantona 10	5
Kantonalno tužilaštvo Bosansko – podrinjskog kantona	1

Potrebno je naglasiti da proces preuzimanja predmeta nije u cijelosti završen, prvenstveno zbog nedostatka prostornih kapaciteta kojim raspolaže Posebni odjel FT FBiH, odnosno nedostatka arhive / depoa u koji bi se predmeti odlagali.

Nastojalo se da svi federalni tužioci Posebnog odjela FT FBiH budu jednako zaduženi predmetima, što je vidljivo iz podatka da su, na navedeni broj ukupno zaprimljenih predmeta, tužioci pojedinačno bili u prosjeku zaduženi sa brojem predmeta u rasponu od 142 do 177 predmeta. Ovdje je potrebno naglasiti da ukupan broj zaprimljenih predmeta, opravdano ukazuje na opasnost od nemogućnosti efikasnog postupanja i rješavanja predmeta.

U pogledu rezultata rada Posebnog odjela FT FBiH u odnosu na prijave, istrage i optužnice, kako je to prethodno navedeno, odlukom VSTV-a BiH federalni tužioci Posebnog odjela FT FBiH oslobođeni su ostvarenja godišnje norme za 2025. godinu, imajući u vidu sve specifičnosti njegove uspostave i okolnost početka rada praktično početkom drugog kvartala 2025. godine. Međutim, bez obzira na tu činjenicu, u izvještajnom periodu su se donosile konačne tužilačke odluke.

Prijave:

Oznaka	Broj neriješenih prijava iz ranijih godina	Broj primljenih prijava u izvještajnom periodu	Ukupan broj prijava u radu	Broj prijava riješenih u izvještajnom periodu	Broj neriješenih prijava na kraju izvještajnog perioda
KT	0	8	8	2	6
KTA	0	160	160	50	110
KTAK	0	326	326	48	278
KTAO	0	11	11	3	8
KTAPO	0	210	210	44	166
KTF	0	7	7	2	5
KTK	0	147	147	11	136
KTKV	0	7	7	1	6
KTMPOM	0	2	2	2	0
KTN	0	3	3	1	2
KTNO	0	1	1	0	1
KTNPO	0	8	8	3	5
KTNT	0	2	2	0	2
KTO	0	36	36	4	32
KTOV	0	8	8	1	7
KTPO	0	220	220	20	200
Ukupno	0	1156	1156	192	964

Istrage:

Oznaka	Broj neriješenih istraga iz ranijih godina	Broj naređenih istraga u izvještajnom periodu	Ukupan broj istraga u radu	Broj istraga riješenih u izvještajnom periodu	Broj neriješenih istraga na kraju izvještajnog perioda
KT	1	0	1	1	0
KTF	1	2	3	1	2
KTK	8	2	10	2	8
KTKV	1	1	2	1	1
KTO	8	4	12	4	8
KTOV	4	0	4	1	3
KTPO	15	3	18	5	13
Ukupno	38	12	50	15	35

Optužnice:

Oznaka	Broj optužnica podignutih prije izvještajnog perioda	Broj podignutih optužnica u izvještajnom periodu	Ukupan broj podignutih optužnica	Broj potvrđenih optužnica u izvještajnom periodu	Broj optužnica čije je potvrđivanje odbijeno
KTK		2	2	1	0
KTKV		1	1	0	0
KTO		1	1	1	0
KTOV		1	1	1	0
KTPO		2	2	1	0
Ukupno		7	7	4*	0

*Napomena: Na dan 31.12.2025. godine od ukupno 7 optužnica podignutih u izvještajnom periodu, 4 su potvrđene, a za preostale 3 optužnice se čekalo potvrđivanje, do čega je došlo početkom 2026. godine.

4 Navođenje najznačajnijih predmeta iz oblasti korupcije i organizovanog kriminala, sa posebnim fokusom na predmete na visokom nivou koji su bili od interesa za javnost, a u kojima je podignuta optužnica

4.1 Kantonalno tužilaštvo Kantona Sarajevo

Od značajnijih podignutih optužnica ističe se predmet „Broker“ u kojem su jedna fizička osoba i dvije pravne osobe optuženi zbog nezakonitog trgovanja dionicama i pranja novca. Optuženom se na teret stavlja pribavljanje imovinske koristi u iznosu od 1.694.726,78 KM, a na snazi su i mjere osiguranja na imovini optuženih.

Od drugih predmeta organiziranog kriminala visokog nivoa ističe se potvrđivanje optužnice protiv 13 osoba zbog kvalifikovanog oblika krivičnog djela pranja novca gdje je ukupna procijenjena korist preko 2.000.000,00 KM a pod mjerama osiguranja je blokirano više nekretnina procijenjene vrijednosti 1.859.685,15 KM.

Sljedeći predmet, također organizovanog kriminala visokog nivoa, je podignuta optužnica protiv tri fizičke osobe gdje se optuženi terete za pribavljenu korist više stotina hiljada KM (ukupan iznos koristi 1.082.361,40 KM). Optuženima se stavlja na teret udruživanje u vezi sa krivičnim djelima zloupotreba položaja ili ovlaštenja i pranje novca.

Također, od koruptivnih predmeta ističe se optužnica protiv odgovornih osoba J.U. „Službe za zapošljavanje Kantona Sarajevo“, zatim optužnica protiv članova Sindikata „BH Telecom“-a zbog zloupotreba položaja ili ovlaštenja (pribavljanja koristi). Zatim, podignute su dvije optužnice protiv bankara za kvalifikovano djelo zloupotrebe položaja ili ovlaštenja. Optužnica protiv bivše direktorice upravnih poslova i zaposlenika u „Gotehe Institutu“ Sarajevo također za kvalifikovani oblik zloupotrebe. Također, Općinski sud u Sarajevu potvrdio je optužnicu protiv notarke iz Sarajeva zbog krivičnog djela krivotvorenje službene isprave. Općinski sud u Sarajevu potvrdio je optužnicu protiv jednog lica zbog davanja lažnog iskaza tužitelju.

Među posljednjim koruptivnim optužnicama koje su potvrđene u 2025. godini ističe se optužnica protiv optuženog predsjednika općinske komisije za procjenu vrijednosti nekretnina u Novom Sarajevu i uposlenika Porezne ispostave iste općine zbog krivičnih djela primanje dara i drugih oblika koristi i krivotvorenje službene isprave.

4.2 Kantonalno tužilaštvo Tuzlanskog kantona Tuzla

Prema izjašnjenju glavnog kantonalnog tužioca ovog kantonlanog tužilaštva, u 2025. godini, predmeti signature KTK kao i KTKV, koji su izazvali pažnju javnosti, jeste predmet protiv Bege Gutića načelnika Općine Banovići, koji je završen podizanjem optužnice zbog krivičnih djela – Primanje nagrade ili drugog oblika koristi za trgovinu uticajem – iz člana 382 stav 2 KZ FBiH, u sticaju sa krivičnim djelom - Davanje dara ili drugih oblika koristi iz člana 381 stav 1 KZ FbiH, u sticaju sa krivičnim – Učestvovanje u grupi ljudi koja spriječi službenu osobu u vršenju službene radnje – iz člana 360 stav 2. u vezi sa stavom 1. KZ FBiH, sve u vezi sa članom 54. istog Zakona, kao i predmet protiv Denijala Tulumovića i dr, zbog krivičnih djela – Zloupotreba položaja ili ovlaštenja – iz člana 383 stav 3 u vezi sa stavom 1 KZ FBiH, opisano pod tačkom 1, u sticaju sa krivičnim djelom – Zloupotreba položaja ili ovlaštenja – iz člana 383 stav 1. KZ FBiH, u vezi sa članom 54 istog Zakona, opisano pod tačkom 2, u kojem predmetu je podignuta optužnica, ali Kantonalni sud u Tuzli istu nije

potvrdio, s obzirom da je u međuvremenu, predmet prešao u nadležnost Posebnog odjela FT FBiH.

U toku 2025. godine značajan predmet organizovanog kriminala je i predmet T03 0 KTO 0121542 25, istraga protiv Husović Mirsada, Tanović Jasmina, Tursunović Hajrudina i Uzunović Admira, zbog osnova sumnje da su počinili krivična djela i to: Husović Mirsad krivično djelo - Organizovani kriminal – iz člana 342 st.3. KZ FBiH u vezi sa krivičnim djelom Ubistvo - iz člana 166.st.2 tačka d) u vezi sa članom 32 stav 1.KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 32 stav 1 KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 32 stav 2 KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 32 stav 1 KZ FBiH, Tanović Jasmin krivično djelo- Organizovani kriminal – iz člana 342 st.2. KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 33 KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 33 KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 33 KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 33 KZ FBiH, Tursunović Hajrudin krivično djelo - Organizovani kriminal – iz člana 342 st.2. KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 33 KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 33 KZ FBiH, u vezi sa krivičnim djelom Ubistvo - iz člana 166.st.2 tačka d) u vezi sa članom 33 KZ FBiH, Uzunović Admir krivično djelo - Organizovani kriminal – iz člana 342 st.2. KZ FBiH, u vezi sa krivičnim djelom Ubistvo - iz člana 166.st. 1 u vezi sa članom 28 istog Zakona, u vezi sa krivičnim djelom Ubistvo - iz člana 166.st. 1 u vezi sa članom 28 KZ FBiH, u vezi sa krivičnim djelom - Teška tjelesna ozljeda - iz člana 172.st.1 u vezi sa članom 28 KZ FBiH. Navedeni predmet je nastao iz dokaza dobijenih iz aplikacija Sky/Anom, koji predmet je doveden pred samo optuženje, a koji je iz razloga početka rada Posebnog odjela FT FBiH, prešao u njegovu nadležnost i koji predmet je bio prvi pritvorski predmet Posebnog odjela FT FBiH, u kojem je podignuta optužnica.

Predmet koji je najviše izazvao pažnju javnosti u BiH ali i šire, jeste predmet protiv policijskih dužnosnika i drugih osoba, u vezi sa seksualnom eksploatacijom maloljetnica, u kojem predmetu je istraga okončana i početkom 2026. godine podignuta optužnica, a gdje se u drugom dijelu predmeta istraga nastavlja.

4.3 Kantonalno tužilaštvo Zeničko – dobojskog kantona Zenica

Kako je u 2025. godini veći dio predmeta proslijeđen na nadležnost Posebnom odjelu FT FBiH, to među 10 podignutih optužnica nema predmeta koji bi bili od posebnog interesa za javnost. S tim u vezi, i dalje sa posebnim interesom kantonalno tužilaštvo prati ishod postupaka koji su vezani za optužnice iz 2024. godine, a koji su naznačeni u prethodnom izvještaju, koji još uvijek nisu okončani pravosnažnim sudskim odlukama, kao i nekoliko predmeta iz perioda prije 2024. godine koji također još uvijek nisu dobili epilog u vidu pravosnažne sudske odluke (krivični postupak protiv gradonačelnika Grada Zenice Kasumović Fuada i dr. pod brojem T04 0 KTKV 0040982 21, krivični postupak protiv devet direktora NK Čelik pod brojem T04 0 KTKV 0027539 19, te krivični postupak protiv odgovornih lica Šumarije Vareš, Kamenjaš Kenana i dr. pod brojem T04 0 KTOV 0032210 18, koji se svi nalaze u različitim fazama odlučivanja po žalbi od strane Vrhovnog suda F BiH).

4.4 Kantonalno tužilaštvo Unsko – sanskog kantona Bihać

Od podignutih optužnica treba istaći optužnicu u predmetu T01 0 KTVK 0045964 25 koja je podignuta protiv članova Upravnog odbora JU „Veterinarski zavod USK-a“, a zbog imenovanja na funkciju vršioca dužnosti direktora osobe koja ne ispunjava uvjete za obnašanje tako značajne funkcije, a nakon čega su članovi Upravnog odbora tokom 2024. godine konstantno održavali tako proizvedeno stanje u rukovođenju tim zavodom od strane osobe koja ne ispunjava uvjete u statusu vršioca dužnosti, bez raspisivanja konkursa kojim bi dugoročno riješili pitanje direktora.

Od predmeta koji su završili podizanjem optužnice još bi vrijedilo istaći predmet broj T01 0 KTK 0044929 25 koji je izuzetak od gore navedenog pravila da su optužnice uglavnom podizane zbog nepravilnosti u procesu zapošljavanja i zbog nepravilnosti u preduzećima koje priređuju igre na sreću. Tom optužnicom direktor škole i vlasnik privatnog građevinskog obrta se terete da su lažno prikazali izvođenje određenih građevinskih radova na školi kako bi ostvarili pravni osnov da Ministarstvo financija USK-a isplati tom obrtu novčani iznos za nepostojeće radove, a koji novac je vlasnik obrta trebao podići sa bankovnog računa obrta i potom ga podijeliti sa direktorom škole.

Također u izvještajnom periodu podignute su dvije optužnice iz oblasti organizovanog kriminala koje su se odnosile na Neovlaštenu proizvodnju i stavljanje u promet opojnih droga iz člana 238. stav (2) i Udruživanje radi činjenja krivičnih djela iz člana 340. stav (1) KZ F BiH, i to:

- Predmet broj: T01 0 KTO 0045737 25 u kojem je podignuta optužnica protiv tri lica zbog Neovlaštene proizvodnje i stavljanja u promet opojnih droga (čl. 238. stav (2)), a koji predmet je bio od velikog interesa za javnost, jer je na pronađenoj plantaži u Bihaću pronađeno i oduzeto cca. 2430 komada stabljika opojne droge Cannabis.
- Predmet broj: T01 0 KTO 0039323 22 u kojem je podignuta optužnica protiv šest lica zbog krivičnog djela Udruživanje radi činjenja krivičnih djela iz člana 340. stav 1. KZ FBiH, u sticaju sa krivičnim djelom Zloupotreba osiguranja iz člana 302. stav 1. KZ F BiH, u vezi sa članom 54. KZ F BiH, a sve u vezi sa članom 55. KZ FBiH (produženo krivično djelo).

4.5 Kantonalno tužilaštvo Srednjobosanskog kantona Travnik

Predmeti ovog tužilaštva iz oblasti korupcije i organizovanog kriminala, sa posebnim osvrtom na predmete na visokom nivou koji su bili od interesa javnosti u 2025. godini, a u kojima su podignute optužnice, su:

- Broj predmeta: T06 0 KTK 0033303 23, protiv policijskog službenika MUP-a SBK, PS Kiseljak, podignuta optužnica zbog pod tačkama 1, 15, 18, 24 i 31 produženo krivično djelo Zloupotreba položaja ili ovlaštenja iz člana 383. stav 1. u vezi sa članom 31. KZ FBiH, pod tačkom 2. krivično djelo Primanje dara i drugih oblika koristi iz člana 380 stav 2. KZ FBiH, pod tačkama 3, 4, 5, 6, 7, 8, 9, 10, 11, 12, 13, 14, 16, 17, 19, 20, 21, 22, 23, 25, 26, 27, 28, 29, 30, 34, 35, 36, 37, 38, 39 produženo krivično djelo Primanje dara i drugih oblika koristi iz člana 380. stav 1. KZ FBiH u vezi sa članom 55 i članom 31. KZ FBiH, pod tačkom 32. krivično djelo Krivotvorenje službene isprave iz člana 389. stav 1. u stjecaju sa krivičnim djelo Primanje dara i drugih oblika koristi iz člana 380 stav 1. KZ FBiH u vezi sa članom 54 i članom 31 KZ FBiH, pod tačkom 33. krivično djelo Zloupotreba položaja ili ovlaštenja iz člana 383. stav 1. KZ FBiH u stjecaju sa krivičnim djelom Primanje dara i drugih oblika koristi iz člana 380 stav 1. KZ F BiH u vezi sa članom 54 i članom 31 KZ F BiH. Podignuta optužnica pred Općinskim sudom u Kiseljaku dana 21.03.2025. godine.

- Broj predmeta: T06 0 KTK 0036453 24 podignuta optužnica Arnesa Čolo zbog krivičnog djela Davanje dara i drugih oblika koristi iz člana 381. stav 1. KZ F BiH pred Općinskim sudom u Kiseljaku dana 11.06.2025. godine.
- Broj predmeta: T06 0 KTK 0036478 24 podignuta optužnica protiv policijskog službenika MUP-a SBK, PS Kiseljak Almedina Omić zbog krivičnog djela pod tačkama 1, 2, 4, 5, 6, 7, 8, 9, 10, 11, 12, 14, 15, 16, 17, 18, 19, 20, 21, 23, 24, 25, 26, 27, 28, 32, produženo krivično djelo Primanje dara i drugih oblika koristi iz člana 380. stav 1. KZ F BiH u vezi sa članom 55 i članom 31. KZ F BiH, pod tačkom 3, 13, 16, 22 i 29 produženo krivično djelo Zloupotreba položaja ili ovlaštenja iz člana 383. stav 1. KZ F BiH u vezi sa članom 31. i članom 55. KZ F BiH, pod tačkom 30 kazneno djelo Krivotvorenje službene isprave iz člana 389. stav 1. KZ F BiH u stjecađu sa krivičnim djelo Primanje dara i drugih oblika koristi iz člana 380 stav 1. KZ F BiH u vezi sa članom 54 i članom 31 KZ F BiH, pod tačkom 31. krivično djelo Zloupotreba položaja ili ovlaštenja iz člana 383. stav 1. KZ F BiH, u stjecađu sa krivičnim djelom Primanje dara i drugih oblika koristi iz člana 380 stav 1. KZ F BiH u vezi sa članom 54 i članom 31 KZ F BiH. Predmetna optužnica podignuta pred Općinskim sudom u Kiseljaku dana 16.01.2025. godine.
- Broj predmeta: T06 0 KTK 0036520 24 optužnica podignuta protiv policijskog službenika MUP-a SBK, PS Kiseljak Oliver Trogrlić zbog krivičnog djela pod tačkom 1,3,5,6 učinio produženo krivično djelo "Primanje dara i drugih oblika koristi" iz člana 380 stav 1 KZ F BiH, a sve u vezi sa članom 31 i 55 KZ F BiH, pod tačkom 2. i 4. produženo krivično djelo Zloupotreba položaja ili ovlaštenja iz člana 383. stav 1. KZ F BiH u vezi sa članom 31 i 55 KZ F BiH, a pod tačkom 7. krivično djelo Neprijavlivanje krivičnog djela ili počinitelja iz člana 345 stav 2. u vezi sa stavom 1 KZ F BiH, sve u vezi sa članom 54. KZ F BiH. Predmetna optužnica podignuta pred Općinskim sudom u Kiseljaku dana 23.06.2025. godine.
- Broj predmeta: T06 0 KTK 0036542 24 podignuta optužnica protiv policijskog službenika MUP-a SBK, PS Kiseljak Almir Durak zbog krivičnog djela tačkom I krivično djelo Zloupotreba položaja ili ovlaštenja iz člana 383. stav 1. KZ F BiH, a pod tačkom II. krivično djelo Primanje dara i drugih oblika koristi iz člana 380 stav 1. KZ F BiH, a sve u vezi sa članom 54 KZ F BiH. Predmetna optužnica podignuta pred Općinskim sudom u Kiseljaku dana 06.11.2025. godine.
- Broj predmeta: T06 0 KTK 0036543 24 podignuta optužnica protiv Igor Duno zbog krivičnog djela pod tačkama 1,3,4,5,6,7,8 produženo krivično djelo "Primanje dara i drugih oblika koristi" iz člana 380 stav 1 KZ F BiH, a sve u vezi sa članom 31 i 55 KZ F BiH, a pod tačkom 2 krivično djelo Zloupotreba položaja ili ovlaštenja iz člana 383. stav 1. KZ F BiH u vezi sa članom 31 KZ F BiH i članom 54 KZ F BiH. Predmetna optužnica podignuta pred Općinskim sudom u Kiseljaku dana 06.11.2025. godine.
- Broj predmeta: T06 0 KTK 0036544 24 podignuta optužnica protiv Enes Zuka zbog krivičnog djela pod tačkom 1,3,5, produženo krivično djelo "Primanje dara i drugih oblika koristi" iz člana 380 stav 1 KZ F BiH, a sve u vezi sa članom 31 i 55 KZ F BiH, pod tačkom 2. i 4. produženo krivično djelo Zloupotreba položaja ili ovlaštenja iz člana 383. stav 1. KZ F BiH u vezi sa članom 31 i 55 KZ F BiH, a sve u vezi sa članom 54. KZ F BiH. Predmetna optužnica podignuta pred Općinskim sudom u Kiseljaku dana 03.12.2025. godine.
- Broj predmeta: T06 0 KTK 0036106 25 podignuta optužnica protiv Ferid Julardžija zbog krivičnog djela Zloupotreba položaja ili ovlaštenja iz člana 383. stav 1. KZ F BiH, te Mersad Imočanin pod tačkom 2.1. zbog krivičnog djela Pomaganje u počinjenju krivičnog djela Zloupotreba položaja ili ovlaštenja iz člana 383. stav 1. KZ F BiH u vezi sa članom 33 KZ F BiH, pod tačkom 2.2. zbog krivičnog djela Utaja iz člana 290 stav

1. KZ F BiH, a sve u vezi sa članom 54. KZ FBiH. Predmetna optužnica podignuta pred Općinskim sudom u Jajcu dana 20.11.2025. godine.
- Broj predmeta: T06 0 KTK 0036457 24 podignuta optužnica protiv Davorin Buljan zbog krivičnog djela Zloupotreba položaja ili ovlaštenja iz člana 383. stav 1. KZ F BiH u vezi sa članom 32. KZ F BiH. Predmetna optužnica podignuta pred Općinskim sudom u Kiseljaku dana 18.03.2025. godine.

4.6 Kantonalno tužilaštvo Hercegovačko – neretvanskog kantona Mostar

Među značajnim predmetima ovog kantonalnog tužilaštva u 2025. godini koji su bili od interesa javnosti i medija, kantonalno tužilaštvo je izdvojilo nekoliko predmeta u suđenju u fazi glavnog pretresa su sljedeći predmeti oznake KTKV:

- Predmet KTKV 0027516 21, optuženi Željko Laketić, bivši županijski/kantonalni ministar („Zloupotreba položaja ili ovlasti“ iz čl. 383. st. 3. KZ FBiH, omogućio stjecanje imovinske koristi pravnim i fizičkim osobama dajući im novčana sredstva, a na ime poticaja iz proračuna Vlade HNŽ/K iako nisu ispunjavali kriterije iz javnog poziva, pa je ukupna šteta za proračun HNŽ/K 845.000,00 KM).
- Predmet KTKV 0028185 23, protiv Zdravka Čuljka, pomoćnik gradonačelnika i dr. (Optužnica je podignuta u prvom mjesecu 2024. godine, a radi se o krivičnom djelu iz čl. 383. st. 3., kojim djelom je drugoj pravnoj osobi „JOKS“ d.o.o. Mostar pribavio imovinsku korist u iznosu od 548.484,94 KM).

Kantonalno tužilaštvo ističe i da je još jedna Optužnica KTKV 0008851 22 podignuta u 12. mjesecu 2023. godine protiv Smiljana Vidić i Darke Šimovića zbog kaznenog djela „Zloupotreba položaja ili ovlasti“ iz čl. 383. st. 3., donesena je Presuda kojom je prvooptuženi oslobođen, a drugooptuženi je osuđen na kaznu zatvora od 1 (jedne) godine i 6 (šest) mjeseci (Presuda nije pravomoćna).

Iz svega proizilazi da je Kantonalno tužilaštvo u prethodnim godinama podiglo optužnice u tri predmeta koja nose oznaku KTKV. Jedan predmet je završen nepravomoćnom presudom, a druga dva predmeta su u fazi suđenja.

Gore navedeni predmeti su izazivali i dalje izazivaju veliku pozornost javnosti i medija. Jedan otvoreni predmet oznake KTKV vodi se u ovom Tužilaštvu, a još jedan predmet ima otvorene predispozicije da se promijeni oznaka predmeta, također u KTKV.

4.7 Kantonalno tužilaštvo Zapadnohercegovačkog kantona Široki Brijeg

Vezano za najznačajnije završene koruptivne predmete ovog Tužilaštva u 2025.godini, potrebno je istaći koruptivne predmete koji su se vodili protiv policijskih službenika zbog kaznenog djela odavanje službene tajne (osuđeni policijski službenik Marinko Marić), zbog kaznenog djela razbojništva i zloupotrebe službenog položaja ili ovlasti (predmet policijskih službenika Ante Vegar i Matej Ereš) kao i koruptivni predmet protiv ljekara i apotekarske ustanove zbog koruptivnih krivičnih djela i to krivičnog djela Zloupotreba položaja ili ovlaštenja iz člana 383 stav 3 u vezi sa stavom 1 KZ FBiH, i krivičnog djela Prijevара u privrednom poslovanju iz člana 251 stav 3 u vezi sa stavom 1 KZ FBiH i pravne osobe zbog krivičnog djela Prijevара u privrednom poslovanju iz člana 251 stav 3 u vezi sa stavom 1 KZ FBiH (ljekari Doma zdravlja Posušje i apotekarska ustanova Vita Pharm Široki Brijeg), a koji predmeti su rezultirali podizanjem optužnica, koje sve optužnice

su potvrđene dok su neki od ovih predmeta već i pravomoćno okončani osuđujućim presudama, a koji predmeti su bili od interesa za javnost.

4.8 Kantonalno tužilaštvo Posavskog kantona Orašje

Kantonalno tužilaštvo u toku 2025. godine nije imalo iniciranih značajnijih predmeta iz oblasti korupcije (KTK). Međutim, kako je već i navedeno u tački 3.8. ovog Izvještaja, u toku 2024. godine u radu (i to u fazi glavnog pretresa pred sudom) je bio:

Nadalje, kako je već i navedeno pod tačkom 3.8. ovog Izvještaja, u toku 2025. godine u ovom tužilaštvu a u fazi glavne rasprave, pred sudom bio je u radu i predmet br. T02 0 KTKV 0007770 21, odnosno predmet visokog nivoa korupcije, u kojem predmetu je 2021. godine podignuta optužnica protiv suca Općinskog suda u Orašju i suca Kantonalnog suda u Odžaku zbog kaznenog djela Primanje dara i drugih oblika koristi iz čl. 380. st. 3. a sve u vezi sa čl. 31. KZ F BiH, te odvjetnika iz Šamca zbog kaznenog djela Primanje dara i drugih oblika koristi iz čl. 380. st. 3. u vezi sa čl. 33. KZ F BiH. Potom, kako je već istaknuto pod tačkom 1. u tijeku 2025. godine i to u fazi glavne rasprave pred sudom, u ovom tužiteljstvu bio je u radu i predmet br. T02 0 KTOV 0006421 17, odnosno predmet organiziranog kriminala visokog nivoa, u kojem predmetu su po optužnici iz 2017. godine optužena dva lica i to jedno lice zbog kaznenog djela Organizirani kriminal iz čl. 342. st. 3. KZ F BiH u vezi sa kaznenim djelom Krivotvorenje isprave iz čl. 373. st. 2. KZ F BiH u vezi sa čl. 55. istog Zakona, a drugo lice zbog kaznenog djela Organizirani kriminal iz čl. 342. st. 2. KZ F BiH u vezi sa kaznenim djelom Krivotvorenje isprave iz čl. 373. st. 2. KZ F BiH u vezi sa čl. 55. istog Zakona, a u kojem predmetu je donesena i pravomoćna osuđujuća presuda.

4.9 Kantonalno tužilaštvo Kantona 10 Livno

Kantonalno tužilaštvo nije istaknulo predmete ove vrste inicirane u 2024. godini, a koji bi bili od interesa javnosti.

4.10 Kantonalno tužilaštvo Bosansko – podrinjskog kantona Goražde

Kantonalno tužilaštvo Bosansko – podrinjskog kantona ukazalo je na dva predmeta korupcije u kojima su optuženi policijski službenici MUP-a BPK-a Goražde, te jedan predmet korupcije na visokom nivou, u kojem je optužen Gradonačelnik Grada Goražda.

4.11 Poseban odjel FT FBiH

Imajući u vidu obim nadležnosti Posebnog odjela FT FBiH, brojne preuzete predmete, kao i okolnost da Posebni odjel FT FBiH započeo sa radom 30.04.2025. godine, te da su oči javnosti okrenute ka njegovom radu, ovdje će biti ukazano samo na nekoliko predmeta u kojima su potvrđene optužnice.

- potvrđena prva optužnica protiv Mirsada Husovića (44) iz Tuzle, Hajrudina Tursunovića (38) iz Brčkog i Admira Uzunovića (32) iz Živinica, koji se terete da su u vremenskom periodu od januara 2020. godine pa do kraja januara 2021. godine, na području Tuzlanskog kantona i šire, putem Sky ecc aplikacije, dogovarali, planirali, pripremali ubistva više osoba, sa jasno postavljenim planom organizacije, logistike, odabirom metodičkih postupaka, pripreme oružja i drugih alata potrebnih za realizaciju, čime su počinili krivično djelo Organizirani kriminal iz člana 342. stav 3.

Krivičnog zakona Federacije Bosne i Hercegovine (KZ F BiH) u vezi sa krivičnim djelom Ubistvo iz člana 166. stav 2. tačka d) u vezi sa članom 28. i 31. KZ F BiH, te u vezi sa krivičnim djelom Pripremanje krivičnog djela iz člana 339. istog Zakona, kao i druga krivična djela obuhvaćena optužnicom.

- potvrđena je optužnica Posebnog odjela Federalnog tužilaštva FBiH protiv Salke Husovića, Sade Plavčića, Josipa Vujice, Andreja Frankovića, Bane Mičića, Elmedina Gabele, Muamera Babića i Harisa Bešića, koji se terete da su u vremenskom periodu od septembra 2024. godine do druge polovine februara 2025. godine, na području Srednjobosanskog kantona, Kantona Sarajevo i drugim područjima Bosne i Hercegovine, a u cilju pribavljanja potupravne imovinske koristiti, vršili radnje neovlaštene nabavke, držanja, isporuke, distribucije, stavljanja u promet opojnih droga, kao i radnje nezakonite nabavke, držanja i prodaje veće količine vatrenog oružja, municije i vojne opreme, odnosno radi krivičnih djela organiziranog kriminala, neovlaštene proizvodnje i stavljanje u promet opojnih droga, te nedozvoljeno držanje oružja i eksplozivnih materija iz Krivičnog zakna FBiH.
- Potvrđena je optužnica protiv Esada Bukala, bivšeg direktora Federalnog zavoda za agropedologiju zbog sumnje da je u svojstvu službene osobe, prekoračenjem službenih ovlaštenja drugom pribavio korist, a Zavodu nanio štetu, čime je počinio krivično djelo Zloupotreba položaja ili ovlaštenja iz člana 383. stav 1. KZ F BiH.
- potvrđena je optužnica protiv Jasminke Knežević, suspendovane kantonalne tužiteljice, zbog osnovane sumnje da je počinila krivično djelo odavanja službene tajne iz člana 388. stav 3. u vezi sa stavom 1. Krivičnog zakona Federacije Bosne i Hercegovine.
- potvrđena je optužnica protiv Lene Terzić, zbog sumnje da je kao odgovorna osoba privrednog društva „LRT Company“ d.o.o. Sarajevo, u periodu od 2018. do 2023. godine, zloupotrijebila svoj položaj i ovlaštenja u vezi s poreskim zastupanjem stranog privrednog društva „Litostroj Power“ d.o.o. Ljubljana.
- Potvrđena je optužnica protiv Tulumović Denijala, bivšeg vršioca dužnosti direktora Javne zdravstvene ustanove Univerzitetski klinički centar Tuzla; Tadić Marka, osnivača i vlasnika privrednog društva INEL-MED d.o.o. Mostar; Husić Šefika, pomoćnika direktora JZU UKC Tuzla za sestrinstvo, Hujdurović Senade, direktorice Privatne zdravstvene ustanove Opća i Specijalna bolnica „Plava Medical Group“ Tuzla; i Privatne zdravstvene ustanove Opća i Specijalna bolnica „Plava Medical Group“ Tuzla, kao pravnog lica, zbog krivičnih djela zloupotrebe položaja ili ovlaštenja, a koje radnje se odnose na postupke javnih nabavki medicinske opreme velike finansijske vrijednosti i pribavljanja imovinske koristi.
- potvrđena je optužnica i prihvaćen sporazum o priznanju krivnje, u predmetu protiv Amara Hodžića zvani „Buba“ zbog krivičnog djela Porezna utaja iz člana 273. stav 1. Krivičnog zakona Federacije Bosne i Hercegovine (KZ F BiH), u vezi sa članom 55. KZ F BiH (tereti se da je u vremenskom periodu od 01.01.2017. do 31.03.2022. godine, kao poreski obveznik svjesno i s htijenjem, izbjegao da plati davanja propisana poreznim zakonodavstvom FBiH i doprinosa socijalnog osiguranja propisanih u Federaciji, ne dajući zahtijevane podatke o svojim stečenim oporezivim prihodima, čime je stekao protupravnu imovinsku korist i oštetio budžete i vanbudžetske fondove u Federaciji BiH u ukupnom iznosu od 115.642,19 KM). Optuženom je u cijelosti oduzeta imovinska korist stečena krivičnim djelom na način da je optuženi, Amar Hodžić, kao poresni obveznik, svoj glavni poresni dug naknadio u cijelosti prema Poreznoj upravi FBiH.

5 Prijedlog mjera za unapređenje stanja u oblasti procesuiranja navedenih vrsta predmeta.

5.1 Mjere koje se odnose na kantonalna tužilaštva

Glavni kantonalni tužioci su, za potrebe pripreme ovog izvještaja, prema svojim iskustvima iznijeli svoja stanovišta o mjerama koje bi bile potrebne kako bi se postiglo unapređenje stanja u kantonalnim tužilaštvima u oblasti procesuiranja predmeta korupcije i organizovanog kriminala, uključujući predmete visokog nivoa. Navedeni prijedlozi mjera svih kantonalnih tužilaštava su kompilirani u nastavku, kako slijedi:

Ljudski kapaciteti:

- nedostatka policijskih istražitelja, a onda i njihovih stručnih i profesionalnih sposobnosti su i dalje jedan od velikih problema u radu ovog Tužiteljstva, kao i postizanju boljih rezultata u ovoj oblasti.
- blagovremeno popunjavanje tužilačkih pozicija u kantonalnim tužilaštvima, naročito u kantonalnim tužilaštvima u kojima postoji česta fluktuacija tužilaca na druge pozicije u pravosuđu;
- raspored tužilaca, te zapošljavanje i eventualno preraspoređivanje savjetnika i daktilografa, te ostalog pomoćnog osoblja;
- sa prednjim u vezi je i urgiranje nadležnim agencijama za državnu službu, radi ubrzanog provođenja procedura provođenja javnih oglasa za izbor ove kategorije zaposlenih (državni službenici i namještenici);
- u skladu sa nadležnostima glavnog tužioca, kroz osiguranje uvjeta rada (dovoljnog broja netužilačkog osoblja, omogućavanjem stručne i specijalističke edukacije, ocjenjivanje i vrednovanje tužilačkog rada, ali i poboljšanje uslova rada netužilačkog osoblja – stručnih savjetnika pravnika, istražitelja, ekonomista, daktilografa) nastojati kreirati ambijent poticajan za rad na predmetima korupcije;
- kadrovski, sa još tužilaca, ojačati odjele koji rade na ovoj vrsti predmeta;
- zapošljavanje dovoljnog broja stručnih savjetnika – ekonomista koji pomažu tužiocu u radu na ovoj vrsti predmeta, jer je više kantonalnih tužilaštava ukazalo na njihov značaj u radu na ovoj vrsti predmeta.

Prijedlozi organizacione prirode:

- jači nadzor zamjenika glavnog tužioca nad radom tužilaca u osjetljivim koruptivnim predmetima, kontrola dinamike njihovog rada, stručna pomoć, predlaganje većeg vrednovanja predmeta i drugih mjera glavnom tužiocu, kako bi se postupajućem tužiocu pomoglo u organizacionom smislu da donese tužilačku odluku;
- nastaviti sa formiranjem posebnih timova tužilaca i ovlaštenih službenih lica koji rade na složenim predmetima privrednog, koruptivnog i organizovanog kriminala, kao i praćenje efikasnosti i efektivnosti u njihovom radu od strane zamjenika glavnog tužioca i glavnog tužioca;
- u složenim predmetima u timove uključiti i stručnog savjetnika – ekonomistu i intenzivirati saradnju sa poreskim i finansijskim inspekcijama, koje podnose najveći broj prijava iz oblasti korupcije i privrednog kriminala;

- mjesečno izvještavanje o radu tužilaca sa strukturom završenih predmeta i procentom riješenosti starih predmeta, s ciljem blagovremenog poduzimanja mjera upravljenih na povećanje rezultata rada kod onih tužilaca kod kojih bi to bilo potrebno;
- rješavanje predmeta po starosti inicijalnog akta, osim prioriternih predmeta, kao i nadzor nad protekom vremena između radnji koje se poduzimaju u predmetima, na koji način bi se smanjila dužina trajanja postupka;
- sačinjavanje plana prioriternih predmeta korupcije i organizovanog kriminala koji će imati prioritet u radu, koja realizacija će biti praćena na mjesečnom nivou izvještavanjem tužilaca o realizaciji aktivnosti iz plana;
- valjana kontrola donesenih tužilačkih odluka.
- dodatno unapređenje proaktivnog pristupa u identifikaciji i vođenju složenijih predmeta,
- povećanje broja finansijskih istraga paralelno sa krivičnom istragom,
- intenziviranje operativne saradnje sa policijskim agencijama,
- kontinuirano stručno usavršavanje tužilaca u oblasti javnih nabavki, budžetskog kriminala i finansijskih istraga,
- uvođenje kvartalnog pregleda svih aktivnih KTK i KTO predmeta i izdavanje konkretnih pisanih uputstava u predmetima gdje se utvrdi neefikasnost,
-

Edukacije:

- učešće u specijalističkim obukama/edukacijama tužilaca i stručnih savjetnika za oblasti korupcije, organizovanog i privrednog kriminala, te kibernetičkog kriminala;
- edukacija ovlaštenih službenih osoba na provođenju zakona u cilju što kvalitetnijeg prikupljanja dokaza;
- angažovanje kantonalnih tužilaca na edukaciji ovlaštenih službenih lica;
- predlažu se zajedničke edukacije tužilaca i sudije koji sude u oblasti korupcije i organizovanog kriminala, na teme koje bi obuhvatile razloge donošenja oslobađajućih presuda i standarde dokazivanja.

Prijedlozi u pogledu unapređenja postupanja:

- proaktivan pristup od strane samih tužilaštava i iniciranje predmeta od strane samog tužilaštva o preduzimanje najvećeg broja radnji samostalno od strane samog tužilaštva radi zaštite integriteta samog predmeta
- u radu na složenim koruptivnim predmetima formiraju se tužilački timovi uz koordinaciju timovima nadležnih policijskih agencija kako bi se adekvatno odgovorilo na potrebe intenzivnog provođenja istražnih aktivnosti u ovoj vrsti predmeta.
- pratiti realizaciju Plana rješavanja predmeta korupcije i organizovanog kriminala, te predmete organizovanog kriminala visoke korupcije, te redovno razmatrati predmete sadržane u Planu na kolegiju tužilaca, vršit će se analizu predmeta, poduzetih radnji kao i predložiti mjere i radnje koje bi se trebale po
- primjena jedinstvenih pravila za primjenu posebnih istražnih radnji;
- primjena obrazaca za vođenje istraga u složenim predmetima (organizovani kriminal, privredni kriminal, korupcija i kibernetički kriminal);
- povećati broj donesenih planova istrage u kompleksnim predmetima;
- osiguranje tužiocu neposrednog odnosno olakšanog pristupa svim potrebnim bazama podataka u toku istrage (registru bankovnih računa, zemljišnih knjiga i katastru, registru vlasništva pokretnih stvari).

Primjena KZ FBiH / ZKP FBiH:

- stavovi sjednice sudija Vrhovnog suda FBiH o pojedinim pitanjima koja se pojavljuju kao sporna u praksi, bi svakako doprinijeli pravnoj sigurnosti i efikasnijem radu u budućim predmetima;
- inicirati izmjenu i dopunu ZKP-a FBiH u dijelu preciznog određivanja postupanja prilikom prikupljanja dokaza putem dobrovoljne predaje bilo kog dokaza.

Saradnja:

- daljem zagovaranju jačanja kadrovskih kapaciteta Kantonalnog MUP-a BPK Goražde, kao agencije za provođenja zakona na koju je ovo tužilaštvo u svom radu u najvećoj mjeri oslonjeno
- intenziviralo suradnju sa drugim nadležnim agencijama u pravcu adekvatnog prepoznavanja koruptivnih rizika i pojava te je pojačalo aktivnosti na suzbijanju i blagovremenom reagovanju na sve pojavne oblike koruptivnih aktivnosti u Kantonu Sarajevo među kojima se ističe suradnja sa Uredom za borbu protiv korupcije Kantona Sarajevo sa kojima je zaključen memorandum kao i Sektorom za obavještanje i istrage Porezne uprave FBiH.
- nastaviti sa redovnim održavanjem sastanaka postupajućih tužilaca, ali i šefa odjela za privredni kriminal i korupciju, zamjenika glavnog kantonalnog tužioca i glavnog kantonalnog tužioca sa ovlaštenim službenim licima, radi preciznog definisanja dinamike postupanja po zahtjevima, i to sa nadležnim MUP-om, FUP-om, SIPA-om, Poreznom upravom FBiH, Uredom za borbu protiv korupcije i upravljanja kvalitetom i dr. relevantnim organima, sa ciljem razmatranja konkretnih predmeta i iskustva;
- u okviru kantona, raditi na jačanju međuinstitucionalne saradnje sa općinskim i kantonalnim sudovima na organizacionim pitanjima usmjerenim ka unapređenju efikasnosti u radu na predmetima korupcije i organizovanog kriminala visokog nivoa;
- raditi na poboljšanju komunikacije sa agencijama za provođenje zakona s ciljem unapređenja kvalitete njihovog rada i izvještaja;
- unaprjeđivati saradnju među svim agencijama za provođenje zakona.

Izmjena percepcije javnosti o radu na predmetima korupcije i organizovanog kriminala:

- pozivanja najšire javnosti na podnošenje anonimnih, u mjeri u kojoj je to objektivno moguće argumentovanih prijava, kojima se ukazuje na potencijalne nezakonitosti i moguća koruptivna krivična djela.
- povećati povjerenje građana u rad tužilaštva da uz zaštitu identiteta prijavljuju tužilaštvu i agencijama za sprovođenje zakona krivična djela korupcije, organizovanog kriminala i njihove izvršioce. Ovo ne predstavlja samo metod prikupljanja podataka nego i aktivno uključivanje svih segmenata civilnog društva, odnosno trajnu transparentnost u borbi protiv korupcije
- aktivno informisanje građana o radu institucija, uz promovisanje pozitivnih primjera postupanja po prijavama građana u slučajevima korupcije (uz zaštitu identiteta i primjenu evropskih standarda), a u cilju povećanja transparentnosti i osnaženja građana za prijavljivanje korupcije tužilaštvu i agencijama za sprovođenje zakona, u svim sredinama;

- nastaviti jačanje povjerenja građana u tužilaštvo s namjerom prijavljivanja krivičnih djela, kroz učešće tužilaca i savjetnika na okruglim stolovima, radionicama, kampanjama borbe protiv korupcije, te kroz odnose s javnošću (proaktivno informisanje na web stranici i direktna komunikacija portparola i novinara, blagovremeno odgovaranje na zahtjeve za pristup informacijama, davanje izjava medijima i slično).

5.2 Osvrt na uspostavu i početak rada Posebnog odjela Federalnog tužilaštva FBiH

U okviru izvještavanja o rješavanju predmeta korupcije i organizovanog kriminala sa posebnim fokusom na predmete ove vrste na visokom nivou, a s obzirom na nadležnosti koje su članom 7. i članom 25. stav 1. Zakona o suzbijanju korupcije i organiziranog kriminala u Federaciji Bosne i Hercegovine¹⁴ propisane kao nadležnosti Posebnog odjela Federalnog tužilaštva FBiH, glavni federalni tužilac je prethodnih godina davao svoj osvrt na uspostavu Posebnog odjela FT FBiH. Imajući u vidu da je Posebni odjel FT FBiH otpočeo sa radom dana 30.04.2025. godine, ovaj osvrt će obuhvatiti aktivnosti do 30.04.2025. godine kao datuma početka rada Posebnog odjela FT FBiH, i osvrt na dosadašnji rad Posebnog odjela FT FBiH.

Federalnom tužilaštvu FBiH je u toku 2025. godine fokus djelovanja bila uspostava Posebnog odjela FT FBiH. Preduzete su brojne aktivnosti, koje su se nastavile na aktivnosti koje su preduzimane u prethodnoj godini, a koje obuhvataju kontinuirano održavanje radnih sastanaka rukovodstva Federalnog tužilaštva F BiH sa predstavnicima drugih relevantnih institucija i tijela uključenih u realizaciju uspostave Posebnog odjela FT FBiH, potom projekciju budžetskih sredstava, zatim, sa organizacionog i sigurnosnog aspekta adaptaciju smještaja koji je Vlada FBiH prethodne godine osigurala za smještaj Posebnog odjela FT FBiH, pokretanje postupaka javnih nabavki roba i usluga potrebnih za funkcionisanje Posebnog odjela FT FBiH, te provođenje konkursnih procedura za popunjavanje više pozicija državnih službenika i namještenika, u skladu sa Pravilnikom o unutrašnjem poslovanju, organizaciji i sistematizaciji radnih mjesta u Federalnom tužilaštvu Federacije BiH broj: A-63/25 od 30.01.2025. godine, koji je odobren na sjednici VSTV-a BiH Odlukom o odobravanju Pravilnika o unutrašnjem poslovanju, organizaciji i sistematizaciji radnih mjesta Federalnog tužilaštva FBiH, broj: 06-09-5-1803-3/2025 od 18.06.2025.godine. U februaru 2025. godine VSTV BiH je izvršio imenovanje Posebnog zamjenika i sedam federalnih tužilaca Posebnog odjela FT FBiH.

Cijenimo da su prijedlozi izneseni u prethodnim godinama u ovom izvještaju imali odjeka, te je VSTV BiH, prilikom provođenja postupka imenovanja federalnih tužilaca Posebnog odjela FT FBiH, uključio Federalno tužilaštvo FBiH u davanje mišljenja o kandidatima, što je ovo tužilaštvo provodilo kroz detaljnu analizu postupanja kandidata na te pozicije, te ovaj pristup smatramo značajnim kako bi se osiguralo da se, u konačnici, izvrši odabir najboljih kandidata na pozicije federalnih tužilaca Posebnog odjela FT FBiH.

Za pojedine nedostatke prostora koji je određen za smještaj Posebnog odjela FT FBiH, u procesu osposobljavanja prostora je, uz velike uložene napore, iznađeno prihvatljivo rješenje, tako da je osposobljena prostorija za zadržavanje, uvedeno kontrolisanje pristupa prostorijama Posebnog odjela FT F BiH putem elektronskih kartica, a u narednom periodu se očekuje da dodatni prostor u vidu pola sprata iste zgrade bude dodijeljen i opremljen za potrebe Posebnog odjela FT FBiH, čime bi se riješio i problem nedovoljnog prostora za kancelarije i smještaj spisa. Cijeni se da i dalje postoje ranije ukazani nedostatci prostorija

¹⁴ „Službene novine FBiH“ broj: 59/14

Posebnog odjela FT FBiH koji se odnose na sam položaj zgrade i izostanak zasebnog ulaza za potrebe uvođenja svjedoka sa zaštićenim identitetom.

Nužno je ovdje ukazati na veliku posvećenost i uloženi trud svih učesnika ovih aktivnosti, ali naročito zaposlenika Federalnog tužilaštva FBiH koji su, u izuzetnim okolnostima i sa kratkim rokovima predano radili, pa čak i prekovremeno, kako bi realizacija svih aktivnosti vezanih za uspostavu Posebnog odjela bila blagovremena i na zadovoljavajućem nivou.

Tokom prva četiri mjeseca 2025. godine, nakon što je kao datum početka rada Posebnog odjela FT F BiH određen 30.04.2025. godine, provedeni su brojni postupci javnih nabavki roba i usluga, kako bi se izvršilo potpuno opremanje prostorija i stvaranje uslova za početak rada Posebnog odjela FT FBiH. Navedeno je obuhvatilo nabavku uredskog namještaja, računarske i elektronske opreme, kao i svih ostalih roba i usluga potrebnih za funkcionisanje Posebnog odjela FT F BiH.

Uz sve izazove sa kojima se suočilo Federalno tužilaštvo FBiH u procesu uspostave Posebnog odjela FT FBiH, cijenimo zanimljivim ukazati da je u mjesecu augustu 2025. godine obavljena i revizija postupaka javnih nabavki i radnih tijela – komisija u Federalnom tužilaštvu FBiH u 2025. godini, dakle, za tekuću godinu. Nalaz Interne revizije je uredan i zadovoljavajući.

Federalno tužilaštvo je blagovremeno iniciralo i provodilo procedure kod Agencije za državnu službu F BiH, za raspisivanje javnog konkursa za prijem državnih službenika, a s ciljem primarno popunjavanja Posebnog odjela FT F BiH stručnim i administrativnim osobljem, i na taj način jačanja njegovog kapaciteta, a u veoma malom dijelu i osnaženje kapaciteta Odjela opšte nadležnosti Federalnog tužilaštva .

U kadrovskom smislu, poboljšana je kadrovska osposobljenost Federalnog tužilaštva F BiH u cijelosti, a u aspektu osposobljavanja Posebnog odjela FT FBiH za početak rada učinjeni su maksimalni naponi da se osigura dovoljan broj stručnog osoblja na broj imenovanih federalnih tužilaca Posebnog odjela FT FBiH, kako bi rad tekao, iz kadrovskog aspekta, efikasno.

Nastojalo se da svi federalni tužioci Posebnog odjela FT FBiH budu jednako zaduženi predmetima, što je vidljivo iz podatka da su, na navedeni broj ukupno zaprimljenih predmeta, tužioci pojedinačno bili u prosjeku zaduženi sa brojem predmeta u rasponu od 142 do 177 predmeta. Ovdje je potrebno naglasiti da ukupan broj zaprimljenih predmeta, opravdano ukazuje na opasnost od nemogućnosti efikasnog postupanja i rješavanja predmeta.

U pogledu rezultata rada Posebnog odjela FT FBiH u odnosu na prijave, istrage i optužnice, kako je to prethodno navedeno, odlukom VSTV-a BiH federalni tužioci Posebnog odjela FT FBiH oslobođeni su ostvarenja godišnje norme za 2025. godinu, imajući u vidu sve specifičnosti njegove uspostave i okolnost početka rada praktično početkom drugog kvartala 2025. godine. Međutim, bez obzira na tu činjenicu, u izvještajnom periodu su se donosile konačne tužilačke odluke.

Jasno je da je, s obzirom na broj predmeta koje je preuzeo Posebni odjel FT FBiH, nužno voditi računa o popunjavanju kadrovskih kapaciteta, kako bi se osigurao što efikasniji rad u smislu što cjelovitijeg i djelotvornijeg obavljanja zakonom propisanih nadležnosti, pri čemu se naročito misli na obezbjeđenje budžetskih sredstava za dodatna imenovanja federalnih tužilaca Posebnog odjela, zapošljavanje određenog broja državnih službenika u svojstvu stručnih savjetnika i stručnih saradnika koji bi pomagali tužiocima.

Uprkos objektivnim poteškoćama može se reći da je Posebni odjel FT FBiH u kratkom periodu postigao potrebnu funkcionalnost i ostvario zapažene rezultate. Činjenica je da Posebni odjel ima višestruko veći broj predmeta u radu u odnosu na početne projekcije, što ukazuje na opasnost u pogledu nedovoljne efikasnosti. Kako bi se nastavio pozitivan trend,

preciziranja nadležnosti Posebnog odjela kroz izmjene Zakona o suzbijanju korupcije i organizovanog kriminala u Federaciji Bosne i Hercegovine, uz paralelno proširenje sistematizacije u pogledu broja tužitelja i pratećeg osoblja.

Posebni odjel je počeo sa radom 30.04.2025. godine, te je ova organizacijska struktura trenutno, u početnoj fazi svoga rada, dovoljna za početno funkcionisanje, ali za optimalan rad potrebno je odjel kadrovski i tehnički jačati. Odjelom rukovodi Posebni zamjenik glavnog federalnog tužioca, a rad je organizovan da svi tužioci rade sve vrste predmeta iz nadležnosti ovog odjela.

Nivo opremljenosti Posebnog odjela u izvještajnom periodu u pogledu materijalno-tehničkih sredstava je bio na zadovoljavajućem nivou, odnosno svi tužioci, stručni savjetnici imaju potrebnu tehničku opremu za rad, dok će u narednom periodu sukladno potrebama rada biti potrebno dodatno opremanje materijalno – tehničkim sredstvima potrebnim za manipuliranje i pohranjivanje dokaza u obimnim predmetima.

Dakle, opasnost koja, s obzirom na broj preuzetih predmeta i velika očekivanja, i dalje postoji i koja može Posebni odjel FT FBiH učiniti nedovoljno efikasnim, jesu dosta široko postavljene nadležnosti koje su predmetnim Zakonom propisane za Posebni odjel Federalnog tužilaštva FBiH.

Federalno tužilaštvo FBiH ostaje opredijeljeno u stavu, ranije u našim izvještajima naglašavanom, da bi se naprijed naznačen ishod mogao spriječiti kroz aktivnost zakonodavca izmjenama i dopunama Zakona, u smislu reduciranja nadležnosti Posebnog odjela FT FBiH. Navedeno je bilo predmetom diskusije na Tematskoj sjednici Proširenog kolegija glavnih tužilaca u FBiH, koja je održana u novembru 2025. godine, i koja je bila posvećena mogućim izmjenama člana 25. Zakona o suzbijanju korupcije i organizovanog kriminala u FBiH.

Federalno tužilaštvo FBiH će i u nastavku aktivnosti nastojati da Posebni odjel FT FBiH što efikasnije djeluje, ali ukoliko obim nadležnosti Posebnog odjela FT FBiH ostane ovako široko postavljen, već unaprijed je jasno da Posebni odjel FT FBiH u startu nema šansu da bude efikasan pravosudni organ.

Izneseni prijedlozi predstavljaju opcije potpunog ili djelimičnog rješenja ovih problema, te je u tome Federalnom tužilaštvu FBiH potrebna podrška VSTV-a BiH, zakonodavca i izvršne vlasti.

Broj: A-197/26

Sarajevo, 27.02.2026. godine

